

四庫全書

經部

欽定四庫全書

經部

詩傳名物集覽

目錄
卷一

詳校官監察御史_臣莫瞻菴

刑部郎中_臣許兆椿覆勘

總校官庶吉士_臣何思鈞

校對官助教_臣金學詩

謄錄監生_臣周諤士

欽定四庫全書

經部三

詩傳名物集覽目錄

詩類

卷一

鳥

卷二

鳥

卷三

獸

卷四

獸

卷五

蟲豸

卷六

鱗介

卷七

草

卷八

草

卷九

草

卷十

草

卷十一

木

卷十二

木

臣等謹案詩傳名物集覽十二卷

國朝陳大章撰大章字仲夔號雨山黃岡人康熙戊辰進士改翰林院庶吉士以母老乞歸其於毛詩用功頗深所作集覽本百卷凡三易稿而後成此乃其先行摘出付梓之本凡鳥二卷獸二卷蟲豸一卷鱗介一卷草四卷

木二卷蓋尤其生平精力所注也毛詩自陸
璣以下詮釋名物者毋慮數十家此書成之
最後故於諸家之說採輯尤夥其中體例之
未合者如釋鷄之奔奔則莊子之鷄居列子
之蛙變以至朱鳥為鷄首子夏衣若懸鷄之
類無所不引釋雞棲于埭則列子之木雞呂
氏春秋之雞跖漢官儀之長鳴雞亦無不脩
載皆體近類書深乖說經之旨又每條首錄

朱傳大意以紫陽為主故如鄂不韡韡則取
豈不光明之義而駁鄂作夢不作跼之說以
為不煩改字亦過於偏執至如載宋太宗賜
耶律休格原作休哥
今改正旗鼓事則以遼事誤作
宋事尤為乖舛然其徵引既衆可資博覽雖
精雅不足而繁富有餘固未始非讀詩者多
識之一助也乾隆四十三年六月恭校上

總纂官

臣紀昀
臣陸錫熊
臣孫士毅

總校官臣陸費墀

欽定四庫全書

詩傳名物集覽卷一

庶吉士陳大章撰

鳥

關關雎鳩

朱傳雎鳩水鳥一名王雎狀類鳬鷖今江淮間有之生有定偶而不相亂偶常並遊而不相狎故毛傳以為摯而有別列女傳以為人未嘗見其乖居而匹處蓋其性然也又語錄見人說淮上有之狀如鳩差小而長雌雄

兩兩相隨不失立處須隔丈來地所謂摯而有別也爾雅雉鳩王雉也郭注雕類江東呼之為鷩好在江渚山邊食魚禽經王雉魚鷹也亦曰白鷩亦名白鷩鄭箋摯至也謂雌雄情意至然而有別韓詩雉鳩貞潔慎匹以聲相求隱蔽乎無人之處陸璣疏雉鳩大小如鴝深目目上骨露幽州人謂之鷩揚雄許慎皆曰白鷩似鷹尾上白鄭漁仲云尾邊有一點白風土記白鷩鷩屬於義無取蓋蒼鷩大如鷩而色蒼其鳴戛和順遊於水而息

於洲常隻不雙陸佃云鶚性好峙所謂鶚立俗云睢鳩
交則雙翔立則異處是謂摯而有別傳云摯鳥不雙是
也左傳杜注睢鳩摯而有別故為司馬主法則嚴氏詩
緝左傳鄭子五鳩備見於詩睢鳩氏司馬此詩是也祝
鳩氏司徒鵲鳩也四牡嘉魚之鵲是也鵲鳩氏司空布
穀也曹風之鵲鳩是也爽鳩氏司寇大明之鳩是也鵲
鳩氏司事鵲鳩也非斑鳩小宛之鳴鳩與氓食桑甚之
鳩是也蔡氏名物解凡鳩皆陽鳥也剛而能制真若乎

陽和而不同有不可犯之道故謂之雉鳩又謂之鷦王
大也於鳩為大故又謂之王雉勒以法度足以一衆故
雉鳩氏為司馬陰陽自然變化論雉鳩不再匹淮南子
關雉興於鳥君子美之為其雌雄之不乖居也歐陽本
義先儒辨雉鳩甚衆惟毛公得之曰摯而有別謂捕魚
而食鳥之猛摯者也鄭氏釋摯為至非也鳥獸雌雄皆
有情意孰知雉鳩之獨至哉或曰詩本述后妃淑善之
德不宜反以猛摯之物比之曰不取其摯取其別也雉

鳩之在河洲聽其聲則和視其居則有別此詩人之所
取也正字通雉從且與盱雉恣雉水雉陽之雉從目
義別俗作睢非按爾雅止曰王雉鄭郭陸許諸家皆以
為雕鷃之類蓋附爾雅白鷺而訛也黃直翁引夾漈曰
鳬類在水邊尾有一點白舊說雕誤朱子特主其說則
固不能無疑於諸家矣長箋謂王雉如鴨風土記疑為
蒼鷃近代馮元敏謂狀似鴛鴦通雅定為屬玉蓋各得
其形似而郝氏指為布穀錢氏以為杜鵑則又擬非其

倫矣

黃鳥于飛

朱傳鸛也爾雅皇黃鳥郭注俗呼黃離留亦名搏黍鄭
注黃鸛也陸疏黃鳥黃鸛留也或謂之黃栗留幽州曰
黃鸛一名倉庚一名商庚一名鷦黃一名楚雀齊人曰
搏黍一曰搏香關西謂之黃鳥當甚熟時來往桑間故
里語云黃栗留看我麥黃甚熟不或謂之黃袍禮記仲
春之月倉庚鳴野民曰黃栗留語聲轉耳其色鷦黑而

黃埤雅凡詩言黃鳥者興也言倉庚者賦也倉庚鳴於仲春其羽之鮮明在夏鳴則蠶生故詩曰有鳴倉庚爰求柔桑爾雅翼倉庚黃鳥而黑章羅氏曰性好雙飛故鸛字從麗又曰鸛必匹飛鵲必單棲而東山之末章以比之子于歸者又詩鳥鳴嚶嚶按禽經稱鶯鳴嚶嚶殆詩所謂鳥也今荊州每冬月於田中得土堅圓如卵者破之則鶯在其中無復毛羽蓋以土自裹伏候春始破土而出出谷遷喬恐似此矣禽經燕以狂貽鶯以喜轉

格物總論鷺黑尾嘴尖紅脚青遍身甘草黃色羽及尾有黑毛相間三四月鳴聲音圓滑韓退之曰以鳥鳴春以蟲鳴秋若黃鳥之類其善鳴者也夏小正二月有鳴倉庚鵯者績之候倉庚蠶之候名物解凡記時者皆言倉庚形色有中和之美以命其德也故哀三良刺宣王皆言黃鳥仲夏黍登而聲伏故謂之搏黍月令驚蟄後五日小桃華次五日倉庚鳴陰陽運祚推移時至氣動不得不爾故先王以候節令山海經黃鳥食之不妬楊

夔止妬論云梁武帝却后性妬令倉庫為膳妬果減半
通雅揚升菴引李邵言倉庚為布穀謂當作博穀按布
穀今呼郭公郭婆去栗畱之音宵壤矣作博穀尤無據

維鵲有巢

朱傳鵲鳩皆鳥名鵲善為巢其巢最為完固鳩性拙不
能為巢或有居鵲之成巢者爾雅鵲鵲醜其飛也鵲注
竦翅上下又云烏鵲醜其掌縮注飛縮脚腹下月令季
冬之月鵲始巢周書小寒之日鴈北鄉又五日鵲始巢

鵲不始巢國不寧廣雅鵲鵲也易通卦驗鵲者陽鳥
先時而動先事而應見於未風之象失節不巢癸氣不
通故言春不東風也箋鵲作巢冬至祭之至春乃成詩
推度災云鵲以復至之月始作室家鳴鳩因成事天性
如此也禽經鵲以音感而孕又云鵲鳴喑喑莊子鵲上
高城巢於高枝之巔城壞巢折凌風而起故君子得時
則蟻行失時則鵲起又云遊於雕陵之樊覩一異鵲自
南方來東方朔鵲立必順風淮南子鵲識歲之多風去

喬木而巢扶枝故高而不危也又云螫蟲鵲巢皆向天
一又云太陰所建螫蟲首穴而處鵲巢向而為戶又曰
乾鵲知來而不知往乾鵲鵲也博物志鵲巢開口背太
歲向太乙歲多風則去高木就卑枝涉秋首無毛又練
鵲白毛如練俗謂之拖白練山鵲曰鶯陸賈云乾鵲噪
行人至陶貞白云一名飛駁鳥以其色雜也古今注鵲
一名神女說文曰象文從佳昔聲荀子古之王者其政
好生惡殺鳥鵲之巢可俯而窺陸佃云鵲知人喜作巢

取在木杪枝不取墮地者皆傳枝受卵故一名乾鵲莊
子烏鵲孺魚傳沫也鵲以傳枝少欲故曰孺也列子所
謂細腰純雄其名穉蜂者與此同義羅願云鵲巢水大
則高水小則卑傳枝而生子春二月有乳鵲矣已而舍
去他鳥居之故召南稱鳩居鵲巢今鳥之類亦逐鵲而
居其巢鵲尾尤長故漢高祖劉氏冠民間謂之鵲尾冠
能制蝟其所在蝟必反腹而受啄埤雅鵲強而不淫所
以成德故知風之所在而作巢知歲之所在而開戶所

以趨時故詩以譬國君詩曰防有鵲巢言不驚懼之故
卽有旨茗言不殘賊之故也俗說鵲巢中有梁見鵲上
梁者必貴今二鵲共銜一木置中是也相法云鵲行蹠
蹠性行弗良故古人居欲如燕行不欲如鵲淮南子曰
如鵲之駁一曰從昔昔之言乾也考工記稗牛之角直
而澤老牛之角紾而昔主物簿云鵲啄槐實結入於腦
謂之鵲玉此鵲終歲不復鳴噪雖巢無胎卯天寶遺事
鵲謂之靈鵲聞鵲聲皆喜以為吉兆名物疏按爾雅鸛

山鵲注似鵲而有文采長尾背脚亦說文云知來事鳥也據此則羣書所言知來者乃是鸞非鵲也通雅喜鵲曰乾鵲性惡溼故名王安石以乾音虔謂健也小說謂之神女藏經謂之芻尼陳后山謂人必欲押芻尼字為韻甚無謂漢西京有鵲鵲觀說文鳥在木上曰巢在穴曰窠淮南子雁北嚮鵲始加巢

維鳩居之

毛傳鳩鳩鳩結鞠也釋鳥鳩鳩鵲鵲疏左傳云鳩鳩氏

司空詩云維鳩居之謂此郭云今之布穀江東呼為獲
穀方言云戴勝謝氏云布穀類也陸璣疏今梁宋之間
謂布穀為鵲鳩一名擊穀一名桑鳩按戴勝自生穴中
不巢生而方言云戴勝非也禽經鳩拙而安注鳴鳩也
禮記仲春之月鷹化為鳩然後設罝羅季春鳴鳩拂羽
列子鷦之為鷽鷽之為布穀布穀久復為鷽方言鳩自
關而東謂之郎畢大者謂之頒鳩埤雅鳴鳩一名搏黍
今之布穀江東呼為郭公牝牡飛鳴以翼相拂不自為

巢居鵲之成巢有均一之德蓋其哺子朝自上而下暮
自下而上者均也其子在梅在棘在榛已常在桑者一
也一者婦道也妻道也均者母道也小君之道均以制
節一以謹度故詩以况夫人周官羅氏仲春獻鳩以養
國老者鳩性不噎食之復助氣故也雅翼此鳥鳴時正
值播種故曰布穀似鷦長尾好鳴之鳥故月令謂之鳴
鳩續漢禮儀志年七十者授之玉杖八十九十有加禮
杖長九尺端以鳩為飾欲老人不噎以愛民也歐陽永

叔云今所謂布穀戴勝者與鳩絕異惟今人直謂之鳩者拙鳥也不能作巢多在屋瓦間或於樹上架構樹枝初不成窠便以生子往往墜雛鵲作巢甚堅既生雛散飛則棄而去容有鳩來處彼空巢詩緝一名桑鳩仲春鷹所化為鳩也或謂之題肩齊人謂之擊正禽經一鳥曰佳二鳥曰雒三鳥曰朋四鳥曰乘五鳥曰雇六鳥曰鷦七鳥曰鳩八鳥曰鸞九鳥曰鳩十鳥曰章鳩字從九以此名物疏揚雄方言尸鳩或謂戴勝邢氏已辨其非

又云或謂之鷺鷥此卽釋鳥所云鷺鷥鷥非尸鳩也其
他鷺鷥鷺鷥諸異名皆不足據羅願以爲卽月令之
鳴鳩據馮衍逐婦書云口如布穀則此鳥亦多聲者但
鳴鳩自是鷺鷥非鷺鷥也羅氏之言失詳究矣依歐陽
氏則拙鳩別是一種不在左傳五鳩之內此蓋以時驗
知之或得其實然古之釋詩者皆謂鷺鷥有均壹之德
故以此夫人若但拙而已安足稱乎後漢書楊由曰向
社中木上有鳩鬬此兵象也又聚也鳩能聚陽氣故取義

於聚舜典共工方鳩僝功註僝見也言鳩聚見其功也
左傳釋三國之圖以鳩其民國語庶可以鑑而鳩趙宗
乎庶物異名疏斑鳩春分化為黃禍侯本草曰春化為
黃禍侯秋分化斑鳩即青鳩也黃禍言其色埤雅引之
言所鳴有禍傳會甚矣通雅凡小鳥皆曰佳音雖曰夫
不曰鷦曰荆鳩皆是鳩之子曰鷽鳩曰役鳩曰糠鳩曰
即臯曰辟臯以其文曰錦鳩五鳩以祝鳩性壹而孝為
司徒祝鳩養老也尸鳩壹而慈鷽鳩司馬鷽也鷽鳩司

冠鷹也鷓鴣司事則鷓鴣鷺也鷓鴣布穀也所謂郭公化鷓者即此

誰謂雀無角

春秋運斗樞瑤光星散為雀易通卦驗立夏雀子飛說文雀依人小鳥雀豹云雀一名嘉賓言棲宿人家如賓客今俗呼瓦雀亦名黃雀麻雀淮南子季秋之月候鴈來賓雀入大水為蛤許慎注賓雀者老雀也棲宿人家堂宇間有似賓客故謂之賓雀禽經雀交不一雉交不

再格物要論雀頷皆黑通身毛羽褐色尾長二寸許指
爪黃白異物志南海有黃雀魚六月化為黃雀十月入
海為魚埤雅雀賦曰頭如顰蒜目如擘椒雀物之淫者
鼠物之貪竊者故詩言雀角鼠牙以譬強暴西方之書
曰雀浴沙受卵禽經曰雀以猜瞿雀俛而啄仰而四顧
所謂瞿也凡鳥皆雄乘雌此鳥雌乘雄又雀四時有子
鵲逐月有子雅翌云雀小佳其小者黃口貪食易捕老
者黠難取性極多欲至矐黑輒盲不能為巢穿屋居之

力能勝燕或銜艾於燕巢中燕飛去則居之字通于爵
飲器以為名象雀之形取其鳴節節足足也太玄曰明
珠彈雀肉費不當也初學記雀肉不可合李食之朝野
僉載叱雀官倉猶是向公故書之所貴者意也舊說鳥
雀尾翠上有肉高有穴者名脂瓶每引觜取脂以塗翅
毛衣悅澤雨露不濡箋云雀之穿屋不以角乃以喙名
物疏按此雀即依人小鳥凡緯書稱赤雀黃雀者瑞鳥
也又有青雀禮記前有水則載青旌是水鳥也永元中

安息所獻者條枝大雀也並與此不同方書蘇頌曰雀肉和蛇床子熬膏和藥丸服能補下名驛馬膏此法始於唐明皇服之驗雄雀矢曰雀蘓即白丁香入藥通雅鵲古作鳥雀古作爵今人混之非也雀性淫酒器一升曰爵戒淫佚也俗曰瓦雀在堂簷也老而斑曰麻雀小者黃口曰黃雀

燕燕于飛

朱傳燕鳥也謂之燕燕者重言之也孔疏漢書燕燕尾

涎涎是也爾雅燕燕鳥廣雅玄鳥朱鳥燕也禮記仲春之月玄鳥至至之日以大牢祠於高禘春秋運斗樞瑤光星散為燕埤雅燕籥口布翅枝尾齊人呼鳥取其名自呼也一名玄鳥取其色之玄也一名鷦鷯莊周所謂鳥莫智於鷦鷯目之所宜處不給視雖落其實棄之而走其畏人也而襲諸人間此燕安之道也故其字又為燕安之燕雅翼燕有兩種越燕小而多聲領下紫巢於門楣上謂之紫燕亦謂之漢燕胡燕比越燕而大臆前

白質黑章其聲亦大巢於大屋兩椽其長有容匹素者
謂之蛇燕其尾岐分光澤漢書所云涎涎者美好之貌
也以春分來秋分去其來主為孳乳故古者以其至之
日祀高禘契因是而生其去也多藏深谷大空木中無
毛羽或蟄藏坻岸中亦云入水為蜃蛤淮南子云燕之
為蛤是也來去皆避社又戊己日不取土豈社主於土
戊己土位土尅水燕之所避與巢中有艾則不居鷹鷄
食之立死狐貉皮毛見鳥則毛脫一名遊波雷斨曰海

竭江枯投遊波而立汎是也廣州志燕有三種於崑崖者為土燕左傳少皞時鳥師而鳥名玄鳥氏司分者也又曰猶燕之巢於幕下九章筭術五雀六燕飛集於衡衡適平一雀一燕飛而易處則燕輕田俅子少昊時赤燕一雙飛集少昊之戶遺其丹書夏小正二月來降燕乃睇降者下也睇者眄也視可為室也九月陟玄鳥螯先言陟後言螯陟而後螯也又曰玄鳥至至者入人室屋也一曰衡為鵲虛為燕湘中記零陵有石燕形似燕

得雷風則飛颺颺如真燕月令仲春玄鳥至仲秋玄鳥
歸呂氏春秋燕雀爭處一屋之下子母相哺啍啍焉相
樂以為安矣突決上焚棟宇燕雀顏色不變不知禍之
將及也博物志食燕肉不可入水為蛟龍所吞七修類
藁云燕本水鳥故稱玄鳥而終入水又入水者戒食燕
或其理也天玄主物簿戴王之鵲巢於竹與燕同羣蓋
燕能識寶也名物解燕就陽而畏陰南北往來有生息
之道玄鳥西北乙鳥東南自所歸而言故謂之玄自所

生而言故謂之乙亥中記千歲之燕戶北向禽經鴛鴦
玄鳥愛其類又云鳥向啼背棲燕背飛向宿述異記燕
千年生胡髯京房易占山見白燕則生貴女今俗名燕
為天女淮南子大厦成而燕雀賀通雅云爾雅曰鴛周
燕燕乙孫炎曰別三名也說文曰鴛周燕也陸璣曰鴛
周子規也說文既失爾雅之句讀陸疏又昧乙鳥為杜
鵑夾淦因之曰蜀鴛州多子規其誤甚矣按凡鳥之岐
尾者曰鴛即鴛字亦肉尾也同門皆象形皆宿曰鴛鵲

背言前一星似喙觿言二星岐是觿尾也佩觿者謂其尾尖也周周之鳥銜羽愛其尾也玩爾雅本文自得其解

差池其羽

說文羽鳥長毛也周禮羽人掌以時徵羽翮之政于山農凡受羽十羽為審百羽為搏十搏為縛鍾氏染羽左傳毛羽不登於器則公不射爾雅羽本謂之翮一羽謂之箴十羽謂之縛百羽謂之緡禮內則冬宜鮮羽注鮮

生魚羽鴈也又羽蟲三百六十鳳為之長又五音之一
屬水漢志羽聚也物聚藏羽覆之為水為智為聽為物
樂書聲出于腎而齒開物聚謂之羽羽水也

雄雉于飛

朱傳雉野雞雄者有冠長尾身有文采善鬪韓詩章句
耿介之鳥爾雅鷩雉離雉鳴雉驚雉秩秩海雉鸛山雉
韓雉鶉雉雉絕有力奮伊洛而南素質五采皆備成章
曰翬江淮而南青質五采皆備成章曰鷩南方曰鷩東

方曰鷦鷦北方曰鵠西方曰鷩鷩雉之暮子為鷩鷩易離為雉
注取其有文章書日月星辰山龍華蟲華蟲注華蟲鷩鷩雉也
楊炯冕服議雉被五采象聖人體兼文明又書高宗彤
日越有雉雉左傳郊子少皞為鳥師而鳥名五雉為五
工正利器用正度量夷民者也周官巾車掌王后之
五輅重翟翟錫面注重翟翟雉之羽也大戴禮正月雉震震雉
震鳴也雉鼓其翼也正月必雷雷不必聞惟雉為必聞之
說文雷始動雉聞而鳴其頸蔡邕月令雷在地中雉

性精剛故應而鳴也春官大宗伯士執雉注士死制故
執雉所謂二生一死摯者也士相見禮摯冬用雉注取
其耿介交有時別有倫其羽文明可用為儀也月令孟
冬雉入水為蜃季冬之月雉雊雞乳曲禮雉曰疏趾注
雉肥則趾開張也爾雅鴨鴈醜趾間有幕其足蹠雞
雉醜指間無幕其足疏故曰疏趾也運斗樞璣星散為
雉化書雉不再合信也山海經少華之山其鳥多赤鷩
可以禦火孟山鳥多白雉禽經離上無尋鵲上無常雉

上有丈鷄上有赤莊子澤雉十步一啄百步一飲不斲
畜於樊中神雖王弗善也徐爰射雉賦注雉一界之內
要以一雄為主餘者雖衆莫敢鳴雉雋異之雉不但欲
擅一場又挾兩雌相感志野雞屬陰先鳴而後鼓翼家
雞屬陽先鼓翼而後鳴埤雅雉死耿介妬壘護疆雖
飛不越分域潘岳所謂畫墁衍以分畿也雉屬火南方之
物陶氏謂丙午日不可食明主於火也雉飛若矢一往
而墮雉雞類也不能遠飛崇不過丈修不過三丈故雉

高一丈長三丈也古者數數以萬度度以雉禮坊記都城不過百雉左傳五版而堵五堵而雉公羊五雉而城以此揚子云聆哀鳳於接輿歌雉噫於桓子雉噫孔子去魯事也爾雅雞雉皆曰絕有力奮以不能遠飛故云雅翼雉應義氣其鳴以頸相勾左傳賈大夫娶妻美不言不笑御以如皐射雉獲之其妻忽言而笑孝經援神契周成王時越裳獻白雉去京師三萬里又曰王者德至鳥獸則白雉見博物志翟尾長惜其尾雨雪栖高樹

杪不敢下食往往餓死抱樸子白雉種南越猶多今之
九德古越裳也白雉之所出有媒雉者少養雉子至長
狎人能招野雞故名雉性突前其字從矢雉之文來矢
故從矢也易曰射雉一矢亡簡兮曰左手執籥右手秉
翟此大舞也宛丘曰無冬無夏執其鸞羽此小舞也蓋
雉取文明鸞取潔白之容而已所謂大舞者籥舞也所
謂小舞者羽舞也故樂師云掌國子小舞而一曰羽舞名
物疏古云雉有十四種今以爾雅計之鷄雉即江淮南

青質五采者王后揄狄刻繒為其形而采畫為文章鷩
雉即詩有集維鷩者鳴雉雉之黃色鳴自呼者鷩雉釋
名云鷩雉之慙惡者其耿介甚於他雉似山雞而小背
上黃腹下赤項綠色鮮明禮鷩冕七章之服畫之蓋取
耿介與王后三翟異也秩秩海雉如雉而黑在海中山
上鷩山雉尾長者俗呼山雞禽經云首有采毛鄭注周
禮云翟雉名然惟此雉稱鷩則簡兮言右手秉翟者此
雉之羽也鷩雉鷩雉郭云今白鷩也亦名白雉白雉古

以為瑞周時越裳獻之抱朴子白雉出南越則此雉即越裳所獻者也翬即斯干所謂如翬斯飛者鷖鷖鷖鷖四方雉名除奮鷖可通諸雉但得十二種杜預注左傳以翟為南方之雉與爾雅異史記呂后名雉故諱稱野雞又縊死曰雉正義云晉申生雉經於新城之廟雉牛鼻繩也續水經注曰蛇雉卵入地千年為蛟晉武庫閉甚密忽有雉鳴張華曰必蛇所化開視之其側果有蛇蛻注疏左傳五雉未聞其名

雄六書故牡鳥也爾雅鳥翼右掩左雄左掩右雌人物
志草之精秀者為英獸之拔羣者為雄老子知其雄守
其雌物各有雌雄鱗介至蟣蟲皆然乘異記曰龍角浪
凹峭目深鼻豁鱗上壯下殺者雄角靡浪平鼻直目負
鱗薄尾壯於腹者雌物類志曰蜥蜴五色備者雄不備
者雌蝟毛順者雄逆者雌蜻蜓身綠色者雄腰碧色者
雌鼠矢兩頭尖者雄員者雌牡蠣左顧者雄右者雌蛤
蚶皮粗口大身小者雄口銳尾小身大者雌雌雄牝牡

皆飛走通稱分屬禽獸者非

雉鳴求其牡

朱傳飛曰雌雄走曰牝牡詩詒牝畜母牡畜父分飛走而言然雄狐綏綏則走獸也雉鳴求牡則飛禽也牡莫偶切音畝易離卦畜牝牛吉書牧誓牝雞無晨老子谷神不死是謂玄牝注谷虛而能受神無所不應玄妙也牝有所受而能生物至妙之理有生生之意程子取老說以此

雝雝鳴鴈

朱傳鴈鳥名似鵝畏寒秋南春北釋鳥云鳬雁醜其足
蹠其踵企郭注鳬鴈指間有蹠蹠屬相著故曰其足蹠
也飛則脚跟企直夏小正正月鴈北鄉鄉其居也鴈以
北方為居九月遰遰往也猶曰其驛舍云爾非其居也
周禮六摯大夫摯鴈又曰落菹鴈醢又曰鴈宜麥禮記
兄弟之齒以鴈行儀禮士相見士大夫相見以鴈飾之
以布注鴈取其知時飛翔有行列也春秋繁露凡摯大

夫用鴈有類長者在民上必有先後鴈成行列故以為
醵也士昏禮云下達納采用鴈執鴈請問名納吉用鴈
請期用鴈注用鴈為醵者取其順陰陽往來不再偶也
又曰醵不用死唯唯鳴鴈言生者也本草衍義鴈得中
和之氣熱即北寒即南以就和氣所以為幣者一取其
信一取其和也周書白露之日鴻鴈來鴻鴈不來遠人
背畔小寒之日鴈北鄉鴈不北鄉民不懷至詩緝鴻鴈
之趾連蹄不能握木故易以鴻漸於木為失所不安之

象書以彭蠡既豬陽鳥攸居為得其所也春秋說題辭
鴈之言鴈鴈知晚早故鴈南北以陽動也禽經鴈一名
翁雉一名鴻鶉一名鷹又云鵠以水言自北而南鵠以
山言自南而北張華注云鵠音鴈冬遶南方集於江干
故字從干鵠亦音鴈寒盡北向燕代尚寒猶集於山谷
之間故字從斥山海經鴈門山在高柳北鴈出其間淮
南子鴈從風而飛禽經鴻鴈愛力遇風迅舉孔雀愛毛
遇雨高止王褒頌翼乎若鴻毛之遇順風也方言自關

而西謂鴈鳴鵠南楚之外謂之鵠或謂之鷓鴣古今注
鴈自河北渡江瘦瘠能高飛不畏縉繳江南沃饒每至
還河北體肥不能高飛嘗銜蘆長數寸以防縉繳物類
相感志大曰鴻小曰鴈夜宿洲中鴻在內鴈在外逐更
驚避備狐與人之捕已埤雅鴈行斜步側身故莊子謂
士成綺鴈成行鴈夜泊洲渚令鴈奴圍而警察飛則銜
蘆以避縉繳有遠害之道鹽鐵論曰噍噍鳴鴈旭日始
旦登則前利無蹈後害此言婚姻以禮則有利無害也

故曰貴聘而賤逆之君子以是知出姜之不允於魯也
燕一名玄鳥鴈一名朱鳥玄鳥以春分來朱鳥以春分
去法言曰能來能去者朱鳥之謂歟淮南子曰燕鴈代
飛是也舊說鴈不過衡山今衡山之旁有回鴈峰蓋南
去極煥人罕識雪者故鴈望衡山而止陳琳曰陸陷藥
斥水截輕鴻輕鴻鴻毛也今人試刀劍令髮轉浮於水
以刀斷之視其銛鈍水截輕鴻殆是類也爾雅翼鴈鴻
鴈乃是一物初無分別至詩注乃云大曰鴻小曰鴈鴈

曷為有小者按呂氏春秋仲秋鴻鴈來季秋候鴈來月
令云八月鴻鴈來九月鴻鴈來賓周書則曰白露之日鴻
鴈來寒露之日又來既是一種何為先後不齊如此按
許重叔呂覽注云八月來者其父母也其子羽翼穉弱
未能及之故九月始來據此則月令周書同屬一義矣
又北方有白鴈似鴻而小色白秋深乃來來則霜降河
北謂之霜信春秋曹伯陽好田弋曹鄙人公孫彊獲白
鴈獻之漢武帝太子昏得白鴈於上林以為贄即此廣

要曰按鴻鴈非二物羅氏辨之甚悉陸疏亦以為然故
前篇釋鴻此篇釋鴈而更不釋鴈但云鴻純白似鶴肉
美於鴈又似別有一種者杜子美云故國霜前白鴈來
據今霜後南翔之鴈其色俱竊玄竊黃從無純白者考
之諸家傳疏頗合按鵞曰家鴈物之偽者稱為鴈一作
鴈宋華願兒稱帝為鴈天子韓愈詩前計頓乖張居然
見真鴈

流離之子

朱傳流離漂散也爾雅鳥少美長醜為鷓鴣郭注鷓鴣猶留離詩所謂流離之子陸璣疏流離梟也自關而西謂梟為流離其子適長大還食其母故張奐云鷓鴣食母許慎云梟不孝鳥是也爾雅又云梟鴟注土梟說文梟食母不孝鳥也故冬至捕梟磔之字從鳥晉在木上劉子云炎州有鳥其名曰梟偃伏其子百日而長羽翼既成食母而飛蓋稍長從母索食母無以應于是而食北戶錄古人尚鷓鴣炙欲滅其族非為味美也埤雅云梟

食母破獍食父舊說梟食母始飛黃帝欲絕其類使百
司用之故後世於歲始祓除凶災取以祠黃帝漢使東
郡送梟五月五日作羹以賜百官此遺象也北山錄曰
烏反哺梟反噬蓋順逆之習也淮南子鼓造辟兵壽盡
五月之望許叔重曰鼓造蓋謂梟一曰蝦蟆今世人五
月作梟羹亦作蝦蟆羹是食梟之驗也博之采有梟者
博兼行惡道故以梟為采亦梟得之雋故猛將謂之梟
將也後漢五行志稱衆鳥之性見非常班駁好聚觀之

至於小爵見梟者暴見猶衆故今人多養梟以致鳥嶺
表異錄北方人以梟為恠其惡之南中晝夜飛鳴與烏
鵲無異桂林人羅取生鬻之家家養使捕鼠以為勝狸
齊景公為路寢之臺有梟鳴甚惡之伯常騫請禳之至
旦梟當陞布翼伏地而死曹植曰梟鵂之鳴弗可更者
昔荆之梟將巢於吳鳩問之曰荆人惡予之聲鳩曰子
如不能革子之音則吳楚民不易情也又曰得螭者莫
不馴而放之為利人也得蚤者莫不靡之齒牙為害身

也鳥獸昆蟲猶以名聲見異況吉士之與凶人乎雅翼
土梟穴土而居故曰土梟而荆楚歲時記稱鵯鵪為土梟
說者云鵯鵪穴居誤矣聽聲考詳篇云鵯鵪聲宜學仙雉
聲宜習武鳥聲宜習醫鴈聲宜習卜筮鵯鵪聲宜習工巧
梟聲宜習符咒淮南畢萬術旣瓦止梟鳴西方之書曰
如土梟等附塊為咒搏旣瓦可以令梟寂又曰梟避星
名鵯遠歲子梟與鵯音近物殊梟者流離也鵯者似鵬之
鳥也戰國策周赧王割南陽和秦蘇代曰博之所以貴

梟者便則食不便則不食何王之用智不如用梟也注
古六博即今骰子梟即么也晉謝艾攻石季龍夜有三
梟鳴牙中艾曰梟邀也六博得么者勝進攻破之愚按
朱傳以流離為飄散王氏云黎侯之子失職故瑣尾也
而諸家皆釋作梟則是瑣兮尾兮梟鳥之子矣於義無
取姑集之以備故實

右手秉翟

朱傳翟雉羽也孔傳翟翟羽謂雉之羽也異義公羊說

樂萬舞以鴻羽取其勁輕一舉千里詩毛說萬以翟羽
韓詩說以夷狄大鳥羽按爾雅說翟鳥名雉屬知翟羽
舞也爾雅鶴山雉郭璞曰尾長者今俗呼山雞禹貢徐
州羽畎夏翟傳云羽中旌旄羽山之谷有之禽經注山
雉長尾尤珍護之林木之森鬱者不入恐觸其尾也雨
則避於嵒石之下恐濡濕也久雨亦不出而求食死者
甚衆樂書容自陰作故秉翟於右右陰故也左傳五雉
爾雅十二雉而舞之所取者特翟山雉耳以其羽猶可

用為儀執之以舞所以為蔽翼者也又云記曰比音而樂之及干戚羽旄謂之樂又曰干戚旄狄以舞之言羽又言狄何也后之六服褱衣搖狄闕狄褱衣續鞞狄於衣爾雅謂素質五色皆備成章者也揄狄績揄狄於衣爾雅謂青質皆備成章者也所謂羽者豈鞞狄揄狄之羽與又教羽舞者亦曰翟禮祭統翟者樂吏之賤者也書作狄狄翟古通古今注殷高宗時有雉雉之祥服章多用翟羽周制以為王后夫人之服章

莫黑匪鳥

朱傳烏鴟黑色不祥之物人所惡見者爾雅黑謂之黝
考工記北方謂之黑釋名黑晦也如晦冥時色也小爾
雅純黑反哺謂之烏小而腹下白不反哺者謂之雅
烏白項羣飛者謂之燕烏燕烏白脰烏禽經慈烏反哺
白脰烏不祥巨喙烏善警衆鳥吟夜注云烏之白脰者
西南人謂之鬼雀鳴則凶咎說文烏象形林罕云全象
鳥形但不注其目睛萬類目睛皆黑烏體全黑遠而不

分別其睛也埤雅烏一名鴉其名自呼淮南子烏之啞
啞鵲之啞啞豈為寒暑燥濕變其聲哉詩曰莫赤匪狐
莫黑匪烏狐羣者也烏黑者也以況衛之君臣並為威
虐也又曰瞻烏爰止于誰之屋言富人之屋利之所在
故烏集焉欲王瞻之也又曰誰知烏之雌雄言幽王君
臣俱自謂聖如烏之黑雌雄無以別也管子烏集之交
初雖相驩後必相咄謂其以利合也又烏為嘆詞雀見
虎則鳴烏見異則噪故以為烏霍嘆所異也今人間鵲

噪則喜鳥噪則唾唾其凶也尚書大傳愛人者兼愛其
屋上之鳥孫武子鳥起者伏也鳥集者虛也言善料兵
者觀鳥起而知伏視鳥集而知遁傳曰鳥樂空曠鵲樂
稠鬧莊子曰鳥鵲孺蓋鵲交頸而感鳥傳涎而孕也故
語曰鵲傳枝鵲茹沫雜俎曰俗候鳥飛翅重知天將雨
烏陽物也感陰氣而翅重故以此占之淮南子騰蛇游
霧而殆於蛆蛆烏力勝日而服於鷩鷩三鹿死後能倒
一松三松死後能倒一鳥言其壽也六書故鳥與雅一

聲之轉皆因其鳴聲謂之非有二字也左傳城上有鳥
齊師其遁史武王渡河火自上復下至於王屋流為鳥
漢御史府列柏常有野鳥集其上故今稱御史府為鳥
臺又漢帝東巡過亭障有鳥飛鳴乘輿上亭長射中之
賜錢百萬令天下亭長皆畫鳥名物疏說文鳥孝鳥赤
白蒼三種有三足者緯侯皆以為嘉瑞非不祥鳥也莫
黑匪鳥以喻衛君臣皆惡必不援孝鳥為喻孔疏不之
詳辨考爾雅注但有反哺不反哺白腹白項之辨埤雅則

混孝鳥與不祥為一按本草禽部有二種烏鴉慈鴉以吳地所產驗之慈鴉即反哺者其頸白鳴聲啞啞人亦不惡之有一種純黑而惡聲者謂之老鴰俗云聞其鳴者凶則此詩之烏即老鴉也

鴻則離之

朱傳鴻鴈之大者毛傳大曰鴻小曰鴈陸疏羽毛光澤純白似鶴而大長頸肉美如鴈又有小鴻如鳬色亦白今人直謂之鴻周易漸曰初六鴻漸于干六二鴻漸于

磐九三鴻漸于陸六四鴻漸于木九五鴻漸于陵上九
鴻漸于陸其羽可用為儀吉尸子鴻鵠之鵠羽翼未合
而有四海之心揚子鴻飛冥冥弋人何篡焉禽經鴻儀
鷺序注有行列百官之象埤雅鴻之為物其進有漸其
飛有序其羽可用為儀君子之道也故以況周公易曰
漸之進也公歸東都則之進也然未至西都故為不復
禮曰前有車騎則載飛鴻飛鴻有行列故也載謂合剥
皮毛舉之竿首若所謂鴻脰韜杠者漢書殊翁注即鴻

鴈也博物志鴻鵠千歲者皆胎產鴻鴈大畧相類以仲秋來賓一同也鳴如家鵠二同也進有漸飛有序三同也鴈色蒼而鴻色白一異也鴈多羣而鴻寡侶二異也毛有粗細形有大小又曰鴻毛為囊可以渡江不漏正韻牋史周紀蜚鴻滿野註蠓蟻也鴻鴈之鴻與蠓蟻之鴻猶鯢鮪之鯢與鯢鴈之鯢蓋假借之類或大而小或小而大洪纖巨細互見也餘詳鴈類

鵠之奔奔

朱傳鵯鵯屬爾雅鵯鵯其雄鵯牝痺注鵯屬疏鵯即鵯
鵯母田鼠所化者又鵯子鵯鵯子鵯注別鵯鵯鵯之名
內則雉兔鵯鵯運斗樞曰機星散為鵯德義少殘百家
則鵯生夏小正三月田鼠化為鵯鵯鵯也化而之善故
盡其辭也鵯為鼠化而之不善故不盡其辭也周書時
訓云清明日桐始華又五日田鼠化為鵯素問鵯鵯也
交州記黃魚化為鵯本草四月己前未堪食是蝦蟆所
化畢萬曰墓得瓜化為鵯禽經鵯鵯野則義卷則博注

月令田鼠化為鴛鴦東謂之鶉蜀隴謂之循在田得食
鳴相呼夜則羣飛晝則草伏馴養之久見食相搏鬪也
談苑至道二年夏秋間京師鶉鶉者積於市門是時雨
水絕無蛙聲人有得於水坎者半為鶉半為蛙列子天
瑞篇蛙變為鶉斯不謬矣本草衍義鶉有雌雄從卵生
何言化也嘗於田野屢得其卵初生謂之羅鶉至初秋
謂之早秋中秋後謂之白唐一物四名尸子曰鳧鶉居莊子
聖人鶉居而鷇食又曰吾未嘗為牧而牂生於奧未嘗

好田而鶉生於突埤雅鶉無常居而有常匹俗言此鳥淳
菴不越橫草遇小草即旋行避礙筆談曰古人取象不
必大物天文家朱鳥乃取象於鶉南方朱鳥七宿曰鶉
首鶉火鶉尾是也鶉有丹白二種此丹鶉也赤黃色銳上
禿下夏出秋藏飛必附草皆火類也或有魚所化者魚
鱗蟲龍之類火之所自生也天文東方蒼龍七宿有亢
有尾有角南方朱鳥七宿有喙有喙有翼而無尾此其
取象於鶉歟雅翼鶉居易容食易給竄伏淺草隨地而

安故言上世之俗曰鶉居鷃食尾特禿若衣之短結傳
稱子夏貧衣若懸鶉性好鬪物之小而健無若此者張
爾公云月令陳澍集說鶉鶉屬非即鴛也爾雅鴛鴦
母郭注鶉也又鴛天鶉郭注大如鸚雀色似鶉好高飛
作聲據此說江東呼鴛為天鶉青州呼鴛為鶉母是一
物四名也餘冬緒錄云夏小正三月田鼠化為鴛注鶉也
即鶉鶉莊子田鼠化為鶉十二支神子水位鼠屬水午
位乃鶉火之次豈可移易蓋三月太辰候當出火故田

鼠至建辰月化為鴛九月當納火而鴛於建酉月為鼠者辰巳伏也子與午陰陽之極神交為變化如此餘可類推焦弱侯引禽經曰雉上有丈鷄上有赤雉上飛能丈故計丈曰雉鷄上能亦與尺通亦作斤鷄即鷄莊子斤鷄是也又李時珍分鷄鷄為二物以鴛為鷄通雅曰一物二種無斑者鷄也按內則雉兔鷄鷄乃四物又曰爵鷄蝸范又曰鷄羹雞羹絮醲之羹則鷄與鷄鷄其非一物明矣

吁嗟鳩兮

朱傳鳩鵲鳩也似山雀而小短尾青黑色多聲毛傳鳩鵲鳩也爾雅鷦鷯鳩鵲舍人曰今之斑鳩某氏曰春秋云鵲鳩氏司事春來秋去孫炎曰一名鳴鳩月令鳴鳩拂其羽郭璞曰似山鵲而小短尾青黑色多聲今江東亦呼為鵲鵲宛彼鳴鳩亦此鳩也本草鵲嘲南北總有似鵲尾短黃色在深林間飛翔不遠廣雅鵲鵲鷽鳩也埤雅鷽鳩一名鳴鳩一名鷽鳩莊子所謂蜩與鷽鳩笑之

者也似山鵲而小釋鳥曰鶯山鵲也多聲故名鳴鳩鳴
鳩小物決起而飛搶榆枋時則不至控於地而已矣陸
璣云鵲鳩一名斑鳩蓋斑鳩似鵲鳩而大鵲鳩灰色無
繡項陰則屏逐其匹晴則呼之語曰天將雨鳩逐婦者
是也斑鳩項有繡文斑然故曰斑鳩與此鵲鳩全異璣
之言非今此鳥喜朝鳴故曰鵲嘲也凡鳥朝鳴曰嘲夜
鳴曰啖禽經曰林鳥以朝嘲水鳥以夜啖今林棲多朝
鳴水宿多夜啖啖音夜字見龍龕手鏡周書時訓云

穀雨又五日鳴鳩拂其羽鳴鳩不拂其羽國不治兵許叔重云鳴鳩奮迅其羽直刺上飛數千丈入雲中名物解鳴鳩或謂之鵲鳩或謂之鵲鵲凡名鳥者必有所善鳴鳩善鳴者也春者啟之時秋者閉之時鳴鳩以啟來而閉去故鵲鳩氏為司事臣以骨鯁為任而非倡和者故命官以鵲鳩而不謂之鳴鳩也

雞棲于埭

爾雅雞大者蜀蜀子鷦未成雞健絕有力奮雞三尺為

鷄郭注蜀今蜀雞鵠雞子名今江東呼雞少者為健鷄
古之名雞易與為雞疏吳主號令雞能知時故為雞也
周禮雞人掌夜呼旦以詔百官庖人秋行犢麋膳膏腥
大宗伯以禽作六摯工商執雞注取其守時而動雞人
凡祭祀面禳釁共其雞牲禮記祭宗廟之禮雞曰翰音
注翰長也又季冬之月雉雊雞乳又子事父母雞初鳴
咸盥漱夏小正正月雞桴粥桴桴偃伏也粥養也運斗樞
玉衡星散為雞春秋說題辭雞為積陽南方之象火陽

精物炎上故陽出雞鳴以類感也雞之為言佳也佳而起為大期莫寶也韓詩外傳雞有五德頭戴冠者文也足傅距者武也敵在前敢鬪者勇也見食相呼者仁也守夜不失時者信也左傳季郈之雞鬪季氏芥其雞郈氏為之金距平子怒又賓孟適郊見雄雞自斷其尾問之侍者曰憚為犧也又公膳日雙雞列子紀渚子為周宣王養鬪雞曰望之如木雞其德全矣異雞無敢應者也呂氏春秋善學者若食雞跖數千而後足淮南子雞

知將旦鶴知夜半易林雞鳴節時家樂無憂風俗通呼雞
曰朱朱俗傳本朱氏翁化故呼其姓按說文解州州二
口為謹州其聲也讀若祝祝誘致禽獸和順之意州與
朱音相近耳異苑山雞愛其毛羽映水則舞古今注雞
一名燭夜一名司晨九家易風應節而變變不失時雞
時至而鳴與風相應二九十八主風精為雞故雞十八
日剖而成雞二九順陽厯故雞知時而鳴也五行傳貌
之不恭則有雞禍管輅別傳雞者兌之畜故太白揚輝

則雞鳴廣志雞有胡髯五指金散反翅之種大者蜀小者荊白雞金散者善奮九真出長鳴雞鹽鐵論雞廉狼吞雞跑而食之每有所擇故曰小廉如雞雞有蜀魯荆越諸種越雞小蜀雞大魯雞又其大者莊子羊溝之雞非良雞也而數勝人者以狸膏塗其頭注雞畏狸也又越雞不能伏鵠卵魯雞固能矣又見卵而求時夜又浸假化予之左臂以為雞余因以求時夜埤雅舊說日中有雞月中有兔雞正西方之物兔正東方之物大明生

於東故雞入之月生於西故兔入之此猶西象入東鏡
東象入西鏡耳翼之為雞兌見而翼伏故為雞雞知時
善伏也故曰乳狗噬虎伏雞搏狸又曰伏雞日抱其卵
伏而未孚始化之時謂之涅王褒曰魚瞰雞睨李善以
為魚目不瞑雞好邪視是也雅翼雞鳴必三度故禮有
初鳴而衣服者又能自守不為風雨所止故詩人以比
不改度之君子雞有冠距文武之貌不為威儀貌氣毀
故有雞禍漢官儀宮不畜雞汝南出長鳴雞衛士候於

朱雀門外專傳雞唱應劭曰今雞鳴歌是也晉太康地
道記後漢衛士習此曲於闕下歌之即今雞唱舊說正
月一日雞二日狗三日猪四日羊五日牛六日馬七日
人占其日以知登耗也名物解傳稱陽出雞鳴按陽氣
生於子雞應子而和鳴陰氣生於午雞應午而又鳴則
非陽出故鳴也劉晝韜光篇周雞斷尾獲免犧牲山狙
見巧終必招害由此觀之出處之道可知矣顏氏家訓
太史公曰寧為雞口無為牛後出戰國策延篤音義云

尸雞中之主從牛子然則口當為尸後當為從俗寫誤也
埶朱傳雞鑿垣而棲為埶爾雅注李巡曰寒鄉鑿
墻為雞作棲曰埶說文西鳥在巢上象形日在西方而
鳥棲故因以為東西之西字從木栖禽經陸鳥曰棲水
鳥曰宿戰國策諸侯之不能一猶連雞之不能俱止於
棲也抱樸子雞有專棲之雄桀朱傳杙爾雅雞棲于弋
為桀又云楫謂之杙注桀也

弋鳧與鴈

朱傳鳬水鳥如鴨青色背上有文爾雅鵠沈鳬又舒鳬
驚也郭云似鴨而小長尾背上有文青色卑脚紅掌短
喙今江東亦呼為鵠又云鳬鴈醜其足蹠其踵企禮記
庶人之摯匹又舒鳬翠廣雅鳬驚鴨也說文驚野鳬也
陸疏大小如鴨青色卑脚短喙水鳥之謹愿者也左傳
公膳日雙雞饗人竊更之以驚子尾怒埤雅沈鳬好沒
與鴈常以晨飛容與與波上下金樓子海鴨大如常陽
斑白文亦謂之交鳥易林鳥聲鼓翼嘉樂充德雅翼陸

龜蒙稱夜間有聲類暴雨者一夕數四明訊其眈曰鳬
鷺也其曹蔽天而來必竭禾穗而去江南不能弋羅常
藥而得之今江東有小鳬其多無數俗謂之冠鳬善飛
說苑驚無他心故以之為贅方言野鳬甚小而好沒水
中者南楚之外謂之鷓鴣莊子鳬脰雖短續之則憂古
今注鳬雁常住海邊沙上食沙石皆消爛惟食海蛤不
消吳錄婁縣有石首魚至秋化為冠鳬頭中猶有石也
廣志野鴨雄者赤頭有距有露華鵞以秋久生卵並出

蜀晨鳧肥而耐寒宜為臠南越志化蒙縣池中有鳧棲
息松間俗謂之松鳧楚詞寧昂昂若千里之駒乎將
泛泛若水中之鳧乎考工記鳧氏為鐘注鳧入水不溺以
名鐘上取虛浮之義舊說鳧為家鵠然自漢以來鴨亦
稱鳧通雅董子繁露曰張湯欲以鳧代鳧祠祀宗廟仲
舒不可陸龜蒙嘗畜鴨中使彈殺之陸紹之曰能言之
鳧將獻至尊則鴨固稱鳧而鳧之為野鳧明矣

肅肅搗羽

朱傳肅肅羽聲鵠鳥名似鴈而大無後趾郭璞云鵠似
鴈無後趾毛有豹文一名獨豹疏鵠鳥連蹄性不樹止
樹止則為苦釋文似鴈而大禮記雞肝鴈腎鵠與鹿胃
鄭玄云與脾也爾雅翼鵠者今之獨豹也以鵠爲豹聲
之訛耳鵠亦水鳥似鴈上林賦曰鴻鵠鵠鵠駕鵠屬王
交精旋目是也段成式酉陽雜俎云鵠遇鵠鳥能激糞
禦之糞著毛悉脫今鵠之毛能落衆羽其鵠烈足以服
羽族此類之可推者鵠不以鵠稱而鵠爲之落羽此類

之不可推者埤雅毛有豹文一名獨豹一名鴻豹焦貢
易林文山鴻豹肥腠多脂註鵠名鴻豹以鵠善食鴻為
鴻之豹猶魚鷹也閩諺曰鵠無舌兔無脾說文丰相次
也從匕從十蓋鵠性羣居如鴈自然有行列故從丰詩
故曰鵠行段氏云鵠鴨亦齧匕語註引徐幹齊都賦鴻
鵠驚鵠奄薄水渚北語天鵠地鵠管子非十鈞之弩不
能中鵠雞驚鵠急就章鵠鵠並音普即鵠字也皇象
書作鵠並同皆轉注俗為爾以毛詩為正

鴝彼晨風

朱傳鴝疾飛貌晨風鸛也爾雅晨風鸛舍人曰鷖鳥也
郭云鸛屬鄭云似鸛而小陸疏鸛似鸛青黃色燕頤勾
喙嚮風搖翅乃因風飛急疾擊鳩鵲燕雀食之禽經鸛
曰鸛注晨風也向風搖翅其回迅疾狀類雞青色又曰
鸛好風鸛惡雨則謂之晨風可知也又曰鸛之信不如
鴈周之智不如鴻今鸛亦去來有時制字從亶又可知
矣列子鸛之為鸛鸛之為布穀布穀久復為鸛也左傳

見無禮於君者若鷹鷂之逐鳥雀詩義問云晨風今之鷂
莊子鷂為鷂宋康王世有雀生鷂占曰小而生大必霸
天下六書故駁爾雅說文謂晨風為朝風按古詩晨風
懷苦心蟋蟀傷局促又亮無晨風翼焉能凌風翔曹丕
詩願為晨風鳥雙飛翔北林若非鷂何以言鳥言翼何
以與蟋蟀並稱乎通雅鷂小於鷹所謂鷂或以鷂為杓
窠非也宋太宗賜耶律休哥旗鼓杓窠印窠烏瓜切杓
窠鷂鳥總稱以為印綬取疾速之義凡調發軍馬則用

之

值其鷺羽

朱傳鷺春鉏今鷺鷥好而潔白頭上有長毛十數枚以
其羽為翳舞者持以指揮也孔疏持鷺羽翳身而舞爾
雅鷺春鉏郭璞曰白鷺也頭翅背上皆有長翰毛今江
東緝以為賧攤名之曰白鷺縵陸疏鷺水鳥也好而潔
白故謂之白鳥齊魯之間謂之春鉏遼東樂浪吳揚人
皆云白鷺大小如鷓青脚高尺七八寸尾如鷹尾喙長

三寸頭上有長毛十數枚今吳人亦養焉好羣飛鳴楚
威王時有朱鷺合沓飛翔來舞則復有赤者樂府有朱
鷺曲禽經朱鷺不攫肉朱鷺不吞魚鷺好露又鷗鷺之
潔又宋寮雖雖鴻儀鷺序注云小不踰大飛有次序百
官縉紳之象陰陽自然變化論鸛影接而懷卵鷺目成
而受胎鷺鴛交頸野鵲傳枝物類相感志鷺人養之於
池塘馴若家禽每至白露日即飛騰而去方言鷗鳴謂
之獨春其鳴聲亦如春也埤雅鷺步於淺水好自低昂

似春似鋤故曰春鋤色雪白頭上有絲毵然欲取魚
則弭之故曰驚啄則絲偃鷹捕則角弭藏殺機也其翔
集必舞而後下故詩以況二王之後曰我客戾止亦有
斯容今鷺之集每至水面必低回以盤其勢飛則徑起
蓋其天性舞而後下故曰鷺子下醉言舞鷺子飛醉言
歸也禽經山禽之味多短水禽之味多長山禽之尾多
脩水禽之尾多促又曰鷺好霜鷺惡露蓋其類之不同
如此古今樂錄吳王夫差時有雙白鷺出鼓中而入雲

也隋志建鼓商世所作棲翔鷺於其上或曰鵠也取其
聲揚而遠聞或曰白鷺鼓精也考梓人之職贏者羽者
鱗者以為簨簴其來舊矣海錄云一名帶絲杜牧稱風
標公子李昉名以雪客東坡稱雪衣兒格物論一名屬
玉張爾公云屬玉毛紫紺色非白也愚按鷺一名屬玉
漢武以之名觀云可厭火山谷詩以雙屬玉對一春鋤
非一物可知山谷博雅必不誤也

有鵝萃止

朱傳鵯鵯惡聲之鳥也孔疏鵯一名鵬與梟一名鵯鵯
印云為梟為鵯是也俗說以為鵯即土梟非也陸璣疏
鵯大如斑鳩綠色惡聲之鳥入人家凶賈誼所賦鵬鳥
是也其肉甚美可為羹臠又可為炙漢供御物各隨其
時唯鵯冬夏常施之以其美故也埤雅鵯鳴其民有禍
證俗云禍鳥也今謂之畫鳥蓋聲之誤也肉可為炙故
莊子曰見卵而求時夜見彈而求鵯炙傳曰夏雀生鵯
楚鳩生鵯荊州記巫縣有鳥如雌雞其名為鵯廣志鵯

楚鳩所生如驢巨虛種類不滋乳也漢書賈誼傳鵬似
鴉誼遷長沙鵬集其舍自以壽命不長作賦自廣禽經
云惟鵬塞耳嶺表錄異北方梟鳴人家以為惟南中晝夜
飛鳴與烏鵲無異桂林人羅取生鬻之家家養使捕鼠
以為勝狸酉陽雜俎訓狐鳴則後竅應之相傳鵲生三
子一為鵠不飲泉及井水惟遇雨濡翮方得水飲字說
鵠無爪牙羽翼之才而以口向物為物所惡故常集於
幽荒蒙蔽之土墓門之鵠是已泮水曰翩彼飛鵠集于

泮林言僖公有仁厚之德故雖可惡之鳥猶能去幽荒而集泮林所以美之也名物疏爾雅梟鷂即郭注土梟鄭注訓狐也日暝而夜作惡聲之鴞也梟鷂音相近孔疏鴞一名梟古書多稱梟鳴指此非土梟也土梟爾雅自謂之鷂鷂郭注誤矣本草鴞目吞之令人夜中見物博物志云鷂鷂一名鷂鷂夜日至明吞鴞目而夜中見物似說鷂鷂非鴞矣鷂鷂即爾雅之恠鷂又云鷂鷂鷂者也異物志有鳥如小雞體有文色土俗因形名之曰

鵬不能遠飛行不出域周禮注云天鳥惡鳴之鳥若鴞
鵬賈公彥曰鴞之與鵬二鳥俱夜為惡鳴者是二鳥不
可合為一也廣要曰周官若族氏掌覆天鳥之巢以方
書十日十有二辰十有二月十有二歲二十有八星之
號縣其巢上則去之先儒以為天鳥惡鳴之鳥若鴞鵂
之類日謂從甲至癸辰謂從子至亥月謂從陬至涂歲
謂從攝提格至赤奮若星謂角至軫蓋鴞鳴鵂噪嘻嘻
出出皆驚動人為國恠祥故設官驅之不使惑聽書十

日以下則未曉其理豈歲月日星辰五紀者天鳥所畏
避耶漢書云霍山家鴉數鳴楚辭注鵩鴉二物本草云
其實一耳詩緝鴉恠鴉鵬鵩即鵩印之鴉也內則云
鵩鴉胖古人尚之胖音判注脅側薄肉也肅宗張后專
權每進酒上前常真鴉腦酒蓋服之久醉令人健忘也


維鵜在梁

朱傳鵜洿澤水鳥俗所謂淘河也爾雅鵜洿澤郭璞曰
今之鵜鵒也好羣飛沉水食魚故名洿澤俗呼淘河又

爾雅鷺澤虞郭注即鷺也似水鷺黑蒼色常在澤中見人則鳴喚不去有主守之象故官名澤虞陸疏鷺水鳥形如鷺而極大喙長尺餘直而廣口中正赤頷下胡大如數升囊若小澤中有魚便羣共杼水滿胡而棄之令水竭盡魚在陸地乃共食之故曰淘河本草鳥大如蒼鵝頷下有皮袋容二升物展縮由袋中盛水以養魚身是水沫惟胷前有两塊肉如拳云昔為人竊肉入河化為此鳥今猶有肉存也故名逃河山海經憲期之山多

鵜鵠如鴛鴦而人足其鳴自呼莊子魚不畏網而畏鵜
鵠網者公平無私鵜鵠有心故魚畏之淮南子鵜鵠飲
水數斗而不足鱣鮪入口若露而死禽經洶河在岸則
魚沒沸河在岸則魚出又云鵜志在水鴛志在火前漢
志鵜鵠集昌邑王殿下劉向以為水鳥色青青祥也楚
辭鵜集兮帷幄喻小人在位也晁以道曰鵜之屬有曰
漫畫者以嘴畫水求魚無一刻之停有曰信天緣者終
日凝立不易其處李氏曰信天翁俗名青翰又名青莊

此可喻人之貪廉也廣韻鷦鷯丁度或作鷽通作澤以其形論之領下有胡是鷽鷽也魏文帝曰詩人所謂澤澤刺共公遠君子近小人



詩傳名物集覽卷一

欽定四庫全書

經部

詩傳名物集覽卷二

詳校官監察御史_臣莫瞻菴

刑部郎中_臣許兆椿覆勘

總校官庶吉士_臣何思鈞

校對官助教_臣金學詩

謄錄監生_臣周諤士

欽定四庫全書

詩傳名物集覽卷二

庶吉士陳大章撰

鳥

七月鳴鵲

朱傳鵲伯勞也月令仲夏鵲始鳴補傳云七月則鳴之極朱子曰鵲以七月鳴則陰氣至而衆芳歇矣為鵲音相近服虔陸佃以為題鳴即鵲也鄭箋伯勞鳴將寒之候也五月則鳴豳地晚寒鳥物之候從其氣焉爾雅鵲

伯勞也樊光曰春秋傳曰少皞氏以鳥名官伯趙氏司至伯趙鵙也郭云似鵙鵙而大又云鵙鵙醜其飛也鵙疏云鵙竦也不能翱翔遠飛但竦翅上下夏至來冬至去應陰之動以聲鵙鵙得名說文曰鵙斂足也大戴禮五月鵙則鳴鵙者百鵙也鳴者相命也時訓解芒種之日螳螂生又五日鵙始鳴鵙不始鳴號令壅遏通卦驗搏勞性好單棲楚詞恐題鵙之先鳴使百草為之不芳呂覽注仲夏陰作於下陽發於上伯勞夏至後應陰而

殺蛇磔之於棘而鳴於上陳思王惡鳥論伯勞以五月
鳴應陰氣之動陽氣為仁養陰為殺殘賊伯勞蓋賊害
之鳥也其聲鵙鵙故以其音名也埤雅七月鳴鵙八月
載績蓋倉庚知分鳴鵙知至故陽氣分而倉庚鳴可蠶
之候也陰氣至而鵙鳴可績之候也類從云鵙鳴在上
蛇盤不動鵙鳴在上蜩反不行或曰金得伯勞之血則
昏鐵得鵙鵙之血則瑩石得鵙髓則化銀得雉糞則枯
禽經注形似鵙鵙但鵙鵙喙黃伯勞喙黑楊用脩云性

能擊搏鷹集於林則盤旋鳴聒候鷹飛輒擊之蜀中名
駕鴛五更輒鳴不止至曙乃息集韻寧鳩春分鳴則百
草芳秋分鳴則衆芳歇卽鵲也楊雄賦鵲鳩作鸛鵲師
古注誤以為子規世本又誤以為巧婦並非通雅曰鵲
當以郭說為正卽今之苦吻鳥四月鳴曰苦苦又名姑
惡俗云被姑苦而死東坡以為水鳥亦誤鄭志道云伯
勞食母代代相成此因遯齋謂鵲為梟而謊伯勞冤哉
伯趙卽伯勞聲相近而然或疑詩七月鳴鵲通雅以四

月何也按易通卦驗云博勞夏至應陰而鳴冬至止故少皞以為司至之官嚴粲云五月伯勞鳴應一陰之氣至七月猶鳴則三陰之候寒將至矣故七月聞之先時感事非至七月始鳴也據此則通雅與詩義自合

鷓鴣

朱傳鷓鴣鷓鴣惡鳥攫鳥子而食者也爾雅鷓鴣鷓鴣郭璞曰鷓鴣類又狂茅鷓鴣郭注今鷓鴣似鷹而白又恠鷓注即鷓鴣方言桑飛郭璞曰桑飛即鷓鴣也按爾雅云

鷦鷯鷽鷽屬非此小雀明矣陸疏鷽鷽似黃雀而小
幽州人謂之鷽鷽或曰巧婦或曰女匠關東謂之工雀
或謂之過羸關西謂之桑飛或謂之襪雀或曰巧女或
曰鷽皆惡聲之鳥埤雅先儒以為鷽鷽即今巧婦郭注
爾雅獨云鷽類則璞與先儒異意以詩與爾雅考之宜
如璞義蓋爾雅言鷽鷽鷽鷽繼云狂茅鷽恠鷽梟鷽則
鷽鷽宜亦鷽類賈誼所謂鸞鳳伏竄鷽鷽翱翔是也鷽
鷽一名隻狐鷽服鬼車之類詩曰既取我子無毀我室

似戒鵙鵙之詞非鵙鵙自道也昔賢云鵙鵙惜功愛子
及室誤矣呂東萊曰鷦鷯鵙鵙之別名郭景純陸農師
所解得之方言云自關而東謂鷽飛曰鷽鷽此乃陸所
謂巧婦似黃雀者其名偶與鵙鵙之別名同與爾雅所
載實兩物也毛鄭誤指以解詩歐陽雖知其失並爾雅
亦非之蓋未考景純注耳藍田呂氏曰惡聲之鷽鳥蓋
鷽類也嚴華谷曰鷽鵙喜破鳥巢而取其子爾雅鷽鷽
鷽注今江東呼鷽鷽為鷽欺亦謂之鷽鷽又云恠鷽注

即鷓鴣也今江東通呼此屬為恠鳥禽經鷓以貪顧以愁嘯似鷹稍小尾如舟舵善高翔舊說古人觀魚翼創櫓視鷓尾制舵是也莊子鷓鴣夜撮蚤察毫末畫出瞑目不見丘山言殊性也博物志鷓鴣一名鷓鴣晝目無所見夜則目至明至人家輒便鳴其家有殃本草鉤鷓入城城空入宅宅空恠鳥也又有鷓鴣亦是其類微小而黃纂文曰鷓鴣夜能拾蚤虱蚤爪音相近博物志云拾人棄爪相吉凶妄說也淮南萬畢術鷓鴣致鳥取鷓

鵠折其大羽絆其兩足以為媒張羅其旁則鳥聚矣又
呂刑罔不寇賊鵠義註以鵠張跋扈為義也又庚桑子
人實鵠義而有其國山海經南海蒼梧有離朱鵠久即
鵠舊也國策宋王偃時有雀生麒麟於城之陬注即鵠鵠
也俗謂鬼鳥名物疏鵠是鵠類衛風流離之子土梟也
陳風有鵠萃止爾雅之梟鵠也並非此鵠鵠朱傳以為
鵠鵠按鵠鵠爾雅謂之鵠鵠鵠又云恠鵠不得謂鵠鵠
也巧婦乃周頌之桃蟲耳據本草則鵠鵠鵠鵠是二物

鄭氏云鷦鷯生題肩與鴉亦無所出難以定其然否韓
詩說鷽鷽鷽鷽鳥名養子不知託於大樹茂枝敷之葦
茆風至茆折子死卵破與荀子所說蒙鳩同楊倞荀子
注云蒙鳩鷽鷽也是韓嬰亦以鷽鷽為巧婦也廣要經
云既取我子無毀我室雖比擬之詞其為惡鳥無疑嚴
華谷云喜破鳥巢而食其子朱傳云攫鳥子而食極合
詩人之旨大凡說詩者鳥獸草木之名固應詳覈亦必
與詩義相比附乃為得之耳張爾公曰鷽與鷽同類實

二物大雅為梟為鷗楚辭斥逐鴻鵠近習鷗梟賈誼賦
鷗鳳竄伏鷗梟翱翔按唐光啟三年慈州梟與鷗鬪相
殺皆分言之如鷗鳳鴻鵠虎豹之類其為二物無疑說
者以幽風鷗鵲合咏爾雅茅鷗恠鷗之外又有梟鵲後
人遂誤指為一物矣

鷗鳴于垓

朱傳鷗水鳥似鷗者也韓詩章句鷗水鳥巢居知風穴
處知雨天將雨蟻出壅土鷗見之長鳴而喜陸疏鷗鷗

雀也似鴻而大長頸赤喙白身黑尾翅樹上作窠大如車輪卵如三升杯望見人按其子令伏徑舍去一名負釜一名黑尻一名背竈一名皂裙又泥其巢一傍為池含水滿之取魚及蛇置池中稍稍以食其雛若殺其子則一村致旱災陶隱居云鸛有兩種似鵠而巢樹者為白鸛黑色曲頸者為烏鸛本草衍義鸛頭無丹項無烏帶身如鶴者是兼不善唼但以喙相擊而鳴多在樓殿上作窠禽經鸛仰鳴則晴俯鳴則陰博物志鸛伏卵時

數入水卵冷則不暇取礬石周圍繞卵以助煖氣自然
論鶴影接而懷卵襍俎云江淮謂羣鶴旋飛為鶴井好
羣飛人採巢取鶴子六十里旱能羣飛薄霄激雨雨為
之散爾雅翼鶴生三子一為鶴鳩生三子一為鶚言萬物
之相變也易之中孚九二鳴鶴在陰上九翰音登於天
說者以為鶴者別於鶴也震為鶴陽鳥也巽為鶴陰鳥
也鶴感於陽故知夜半鶴感於陰故知風雨鶴生鶴者
巽極成震極陰生陽之謂也今通呼鶴為鶴鶴北夢瑣

言南方有鸛甘食蛇每遇巨石如道士禹步其石防然而轉因得而噉南方星人伺其養雛緣木以篋絙縛其巢鸛即作法解之乃於木下鋪沙即其足跡而仿學之埤雅俗說鸛梁蔽形鸛石歸酒又曰礬石溫鸛石涼故能使卵不鷯水不臭腐也拾遺記曰鸛能聚水巢上故人多聚鸛鳥以攘火災王伯厚詩攷異字云鸛鳴于埵說文云小雀也想即爾雅所云鸛鷽鷽鷽也郭璞圖贊云鸛鷽之鷽一名墮羿應弦銜鏑矢不著地逢蒙縮手

養由不睨後漢楊震傳有冠雀銜三鱸飛集講堂以雀
朱頂稱冠非指鸛也舊註鸛引用非陳無功引負釜為
負金謂負日而飛日色如金故名一說周思方養鸛縱
之後鸛負金串卸於地串上結書云始於博士終於大
夫此妄不足信

翩翩者騅

朱傳騅夫不也今鵲鳩凡鳥之短尾者皆騅屬毛傳騅
一宿之鳥箋一宿者一意於所宿之木又云鳥之愿謹

者人皆愛之詩緝雛鵲鳩也一鳥十四名雛佳其鵲鳩
祝鳩鵲鳩鵲鳩鵲鳩楚鳩鵲鳩荆鳩乳鳩鵲鳩鵲鳩鵲
鳩爾雅佳其鵲鳩注今鵲鳩方言鳩關東周鄭韓魏謂
之鵲鵲其鵲鳩謂之鵲鵲關西秦漢之間謂之鵲鵲其
大者謂之鵲鵲其小者謂之鵲鵲或謂鵲鵲或謂鵲鵲
或謂鵲鵲梁宋之間謂之鵲鵲陸疏今小鵲也一名鵲
鳩幽州人或謂之鵲鵲梁宋之間謂之雛揚州亦然左
傳郊子云祝鵲氏司徒也注祝鵲孝故主教民禽經雛

上無尋鸚上無常言二鳥之飛不過尋丈也聽聲考詳
篇雀聲慘毒鳩聲慈念埤雅離今鳩鳩一曰祝鳩或曰
離與尸鳩皆壹鳥也故有尸祝之號尸鳩性壹而慈祝
鳩性壹而孝禮云嘏以慈告祝以孝告今離類賦尾皆
促故其字從佳說文佳鳥之短尾總名也禽經曰拙莫
如鳩巧莫如鵲今鳩巢止於數枝纔能載身而已鵲巧
而危離拙而安雅翼似斑鳩而臆無繡采又頭有贅物
之拙者不能為巢纔架數枝往往破卵無巢不能居天

將雨則逐其雌齊則呼而反之今人辨其聲以為無屋
住云離既孝鳥故漢仲秋之月縣皆按戶比民授民七
十者玉杖端以鳩鳥為飾琴操舜耕歷山思慕父母見
鳩與母俱飛鳴相哺食感恩作歌說者曰今之青鷁也
歲時記四月有鳥如鳥先雞而鳴聲云加格加格民候
此鳥鳴則入田以為催人犁格也爾雅鳥鳴即鵲鳩淮
南云夏孟之日以熟穀禾鵲鳩長鳴為帝候歲蓋亦謂
此按嚴氏舉鵲一鳥十四名一曰鵲鳩方言謂大者為

鴈鵠埤雅云即今鴈鵠據張華禽經注云班次序也凡
哺朝從上下暮從下上他鳥皆否其為鴈鵠無疑矣廣
要云昔人能辨鳴鵠非班鵠不能辨班鵠是鴈鵠皆泥
斑文之斑不知班列之班也凡鵠皆好鳴故馮衍逐婦書
云口如布穀羅氏遂混鳴鵠鴈鵠為一鳥與陸氏分疏
之意甚相矛盾

脊令在原

朱傳脊令雛渠水鳥也爾雅鴈鵠雛渠郭云雀屬也飛

則鳴行則搖陸疏大如鸚雀長脚長尾尖喙背上青灰色腹下白頸下黑如連錢故杜陽人謂之連錢物類相感志俗呼雪姑其色蒼白如雪鳴則天當大雪禽經鵲鴿友悌注鵲鴿共母者飛鳴不相離詩人取以喻兄弟相友之道也又云水鳥也大雀高尺尖尾長喙頸黑青灰色腹下正白博雅雖鵲鴿也埤雅詩曰脊令在原脊令水鳥在原則失其所矣義訓曰鵲鴿錢母其頸如錢丈其鳴自呼或曰首尾相應飛且鳴者故謂鵲鴿渠渠之

言勤也詩緝脊令雪姑也鄭氏以為水鳥非今雪姑非水鳥濮陽曰小宛題彼脊令載飛載鳴亦言於兄弟之詩唐書明皇時有鵲鴿數十集麟德殿廷木棲翔決日魏光乘作頌以為天子友悌之祥世以手足喻兄弟謂如左右手之相救一體同氣天性自然小宛取義在於飛則鳴故曰題彼脊令載飛載鳴此詩取義在於行則搖故曰脊令在原程子以為首尾相應是也鄭氏以為脊令水鳥宜在水中在原則失其常處故飛鳴以求其

類非也今雪姑非水鳥飛鳴以求其類凡鳥皆然何獨脊令哉廣要詩攷作鵙鵙在原惟石經作脊令今江南洲渚間多有之狀小於雀輕俊可愛張茂先云高尺恐誤

鳥鳴嚶嚶

爾雅鳥之雌雄不可別者以翼右掩左雄左掩右雌又云二足而羽謂之禽生哺鷇生喙雛又曰亢鳥嚶其糝嚶注嚶喉也嚶受食之處淮南子羽嘉生飛龍飛龍生

鳳皇鳳皇生鸞鳥鸞鳥生庶鳥凡羽者生於庶鳥白虎
通鳥所以飛何鳥者陽也飄輕所以飛也禽者何鳥獸
之總名明為人所禽制也禽經鳥背曰喙爪曰距
尾曰翠一作睥一名尾嬰脰脰曰輿龍曰亢曰員官項
畜食處曰喙翅曰翮曰翎頸毛曰翁脚短者多伏脚長
者多立脚近翠者好步脚近臆者好躑山禽喙短而銳
水禽喙長而圓山禽尾脩水禽尾促冠鳥性勇帶鳥性
仁縷鳥性樂風翔則風雨舞則雨霜霏則霜露翥則露

林鳥朝嘲水鳥夜啜山鳥巖棲原鳥地處物食長喙穀
食短喙搏則利嘴鳴則引吭毛協四時色合五方周禮
庖人供六禽辨其名物射鳥氏掌射鳥羅氏掌羅鳥鳥
掌畜掌養鳥而阜蕃教擾之四時貢鳥物翼氏掌攻猛
鳥庭氏掌射國之妖鳥尚書考靈曜云鳥為春候易飛
鳥遺之音宜上不宜下禮記獻鳥者佛其首畜鳥者則勿
佛也又執禽者左手又凡獻禽加於一雙則執一雙以將
命委其餘又羽者嫗伏卵生不殪又曰處暑之日鷹乃

祭鳥尚書日中星鳥以殷仲春鳥獸蓐尾日永星火以
正仲夏鳥獸希革宵中星虛以殷仲秋鳥獸毛毳日短
星昴以正仲冬鳥獸氄毛禮記凡生天地之間者莫不
知愛其類今鳥獸失喪其羣匹踰月踰時焉過其故鄉
回翔焉鳴號焉踯躅焉踟躕焉然後乃能去之小者至
於燕雀猶有啁噍之頃焉凡有血氣之屬者莫智於人
故人於其親也至死不窮左傳師曠曰鳥鳥之聲樂齊
師其道禦孫曰男贄大者玉帛小者禽鳥家語顏子曰

桓山之鳥生四子焉羽翼旣成將分四海悲鳴而送之
莊子八竅者卵生又弓弩畢弋機變之智多則鳥亂於
上晏子景公使顏涿聚主鳥而亡欲殺之晏子請數其
罪三公曰勿殺之孫卿子鳥窮則喙獸窮則攫人窮則
詐史記秦仲知百鳥之音與之語皆應家語鳥獸竅喙
漢書傳其翼者兩其足楚詞願寄言於三鳥

駢彼飛隼

朱傳隼鶚屬急疾之鳥也爾雅鷹隼醜其飛也翬郭云

鼓翅翬翬然疾鄭注翬猶揮也謂鼓翅揮疾說文隼鷩
鳥也陸疏隼鷩屬齊人謂之擊征或謂之題肩或謂之
雀鷹春化為布穀者是也此屬數種皆為隼考異郵陰
陽氣貪故題肩擊宋均云題肩有爪芒為陰中陽故擊
殺也禽經鳥之小而鷩者皆曰隼大而鷩者皆曰鵠又
云鷹好峙隼好翔鷹以鷹之鷩而捐之隼以尹之法言
麟之儀儀鳳之師師其至矣乎螭虎桓桓鷹隼戡戡未
至也化書鳥反哺仁也隼憫胎義也隼之擊物遇懷胎

者不戮韋昭云隼今之鶚李善云鷩擊之鳥通呼曰隼
陸佃云虎之搏噬擬鷹之搏噬隼故隼於文從水從隼
今鷹之搏噬不能無失獨隼為有隼每發必中或曰即
今所呼為鵂者是司常曰鳥隼為旗蓋鳥鳳也畫鳳以
象其德畫隼以象其威字說隼之擊物必中者或有所
過取故詩以喻不制之諸侯而司寇之官則以鷩鳩名
之莊子鷩為鷩鷩為布穀復化為鷩鷩即隼也雅翼古
今言隼未有的指其物者獨說文解離云祝鳩也思允

切又去鳥從十作隼則雛與隼通凡詩之翩翩者雛皆隼也又解淮南子鳥力勝日而服於隼禮引爾雅謂之鵯鵯蠶時鳴又呼舍者鴻鳥皆畏之據許所說則今鵯鵯鵯鵯小於鳥而逐鳥郭氏解鵯鵯亦云小黑鳥鳴自呼江東名為烏鵯解詩雛者類引釋鳥佳其鵯鵯故遂以為祝鵯按佳字音雖此既从鳥自與隼通事不相與獨鵯鵯鵯鵯者是矣周禮鳥旗七旂注鳥隼為旗也禮記立秋之日鷹隼始擊易公用射隼於高墉之上國語有

隼集於陳侯之庭而死楷矢貫之其長尺有咫以問仲尼曰隼之來遠矣此肅慎之矢也隼或作準杜詩魏侯骨聳精爽繁華岳峯尖見霜準是也按說文不以隼為鷩鳥而詩疏引之云說文鷩鳥可知說文隨人所附會間有訛者非盡其本文之失也

和鸞雖雖

朱傳和鸞皆鈴也在軾曰和在鑣曰鸞皆諸侯車馬之飾也周禮大馭凡御路儀以鸞和為節玉藻君子在車

則聞鸞和之聲行則鳴珮玉是以非辟之心無自入也
明堂位鸞車有虞氏之路也注鸞有鸞和也少儀鸞和
之美肅肅雖雖韓詩內傳云鸞在衡和在車軾升車則
馬動馬動則鸞鳴鸞鳴則和應禽經注周之文物大備
法車之上綴以大鈴如鸞之聲埤雅說文曰鸞赤神靈
之精也赤色五采雞形鳴中五音頌聲作則至一曰青
鳳為鸞孔疏云燕雀有啁噍之感鸞鳳有歌舞之容是
也雌曰和雄曰鸞乘車和在衡鸞在軾而輜車置鸞於

鑣驅逆之車尚輕疾故也庭燎之詩曰鸞聲將將鸞聲
噦噦郊特牲曰割刀之用而鸞刀之貴貴其義也鸞刀
乃有鸞者也以言割刀中節而和也舊云鸞血作膠可
以續弓弩琴瑟之弦或曰鸞鳳之亞也山海經曰鸞鳥
自鸞鳳鳥自舞當上古時鸞輿慎動此鳥輒集車上雄
鳴於前雌應於後後世不能致作和鸞以象之因謂之
鸞伏淮南子羽嘉生飛龍飛龍生鳳凰鳳凰生鸞鳥其
始生似鳳久則五采變易故字從變省其音如鈴鬱鬱

然故曰鸞也山海經女牀之山有鳥其狀如翟而五采
文名曰鸞鳥見則天下安寧春秋元命包火離為鸞詩
含神霧云德化充塞照潤八冥則鸞臻春秋運斗樞天
樞得鸞鳥集孔演圖天子官守以賢舉則鸞在野言稱
其位也孝經援神契德至鳥獸則鸞鳥舞崑崙圖云鸞
鳥似鳳而白纓聞樂則蹈舞而至其雌曰和禽經鸞一
名雞趣首翼赤曰丹鳳青曰羽翔白曰化翼玄曰陰翯
黃曰土符瑞應圖云鸞鳥鳳凰之佐鳴中五音肅肅雝

雖喜則鳴舞人君行步有容進退有度祭祀有禮親疎有序則至一云心識鐘律鐘律調則至至則鳴舞以和之師曠言鸞鳴噍噍鳳鳴喈喈也東漢蔡衡曰鳥之象鳳者有五多赤色者鳳多青色者鸞多黃色者鵷多紫色者鸞鸞多白色者鵷禮云鸞車有虞氏之路蓋有虞之世鸞鳥遠至故作為鸞和以象其聲而後世因之鄭注禮記云鸞和皆鈴也則鸞特鈴而已蔡伯喈崔正熊俱謂乘輿之鸞以金為鸞鳥懸鈴其中施於衡上此自

漢制非古也乘車鸞在衡和在軾禽經注云綴以大鈴
不必有八鸞即漢制亦止為一鸞鳥銜鈴耳左傳疏謂
詩詞每言八鸞當謂馬有二鸞鸞若在衡衡唯兩馬安
得置八即如仲山甫徂齊為卿士之車烈祖諸侯助祭
所乘金路而俱有八鸞者其義何居蓼蕭傳云在軾曰
和在鑣曰鸞鄭注商頌亦依而用之則不能自守其說
矣杜元凱注左傳亦曰鸞在鑣和在衡

鶴鳴于九皋

朱傳鶴鳥名長頸竦身高脚頂赤身白頸尾黑其鳴高亮聞八九里易鳴鶴在陰其子和之春秋說題詞鶴知夜半注鶴水鳥也夜半水位感其生氣則喜而鳴所以壽者無死氣於中也通卦驗立夏清風至而鶴鳴詩義疏鶴大如鵝青黑長脚高三尺餘喙長四寸餘多純白或有蒼色者今人謂之赤頰常夜半鳴其鳴高亮雌者聲差下雞鳴時亦鳴風土記鳴鶴戒露白鶴也此鳥性警至八月白露降即高鳴相警移所宿處慮變害也浮

丘伯相鶴經鶴陽鳥而遊於陰因金氣依火精以自養食
於水故喙長軒於前故後趾短棲陸故足高而尾凋翔雲
故毛豐而肉疎大喉以吐故修頸以納新故壽體無青黃
二色者土木之氣內養故不表於外行必依洲嶼止不集
林木蓋羽族之宗長仙人之麒麟也鶴之上相瘦頭朱頂
露眼黑睛高鼻短喙跬頰舵耳長頸促身燕膺鳳翼雀尾
龜背鼈腹軒前垂後高脰麓節洪髀纖指此相之備者也
鳴則聞於天飛一舉千里鶴二年落子毛易黑點三年產

伏復七年羽翮具復七年飛薄雲漢復七年舞應節復七年十二時鳴中律復百六十年不食生物大毛落茸毛生雪白或純黑泥水不污復百六十年雌雄相見目睛不轉而孕千六百年飲而不食鸞鳳為羣禽經鶴老則聲下而不能高近而不能奈又云鶴愛陰而惡陽聲交而孕又云鶴以怨望鵠以貪顧難以嗔睨鴨以怒嗔雀以猜瞿燕以狂眈鶯以喜轉鳥以悲啼鳶以飢鳴鶴以潔唳鳬以凶叫鵠以愁嘯雅翼鶴性好陰故其羽為陰羽易中孚九二鳴鶴在陰周

書陰羽鳧旌也古今注千載變蒼又千載變黑所謂玄
鶴玉策記千歲之鶴隨時而鳴能登木色純白腦盡成
骨其未千歲者終不集於林也古以鶴為祥故立之華
表又鶴之膝隆起故吳矛箴大者名鶴膝又作詩者以
中字平為鶴膝本草穆天子傳天子至巨蒐二氏獻白
雀之血以飲天子血主益氣力雲嶠類要鶴胎生者形
體堅小惟食稻粱雖馴久飛去鶴合而卵生其體大食
魚鰕噉蛇鼠不能去耳埤雅鶴雌雄相逐如道士步斗履

跡而孕內典云鶴影生鰲男化也鶴譜一說鶴鵠也其
羽鵠鵠然一名仙客一名胎仙一名露禽本草鶴有玄
有黃有白有蒼百六十年則有純白純黑若黃鶴古人
常言之又多言鵠鵠即是鶴音之轉後人以鵠名頗著
故既釋鶴又釋鵠漢昭時黃鵠下建章宮太液池而歌
則名黃鶴神異經鶴國有海鵠衛懿公好鶴齊王使獻
鵠於楚蕙帳空兮夜鵠怨楚辭黃鵠一舉及田饒說魯
哀公或為鶴或為鵠者甚多以此知鶴之外別無所為

鵠也雅翼老子云烏不黔而黑鵠不日浴而白白即鵠也鵠鳴咕咕咕鵠也以龜龍鴻鵠為壽壽亦鵠也字通鵠鴻類一云鵠屬通作雒禮內則鵠臠胖楚辭黃鵠後時而寄處漢高帝歌鴻鵠高飛賈誼賦黃鵠一舉兮魯陶明女陶嬰寡居作黃鵠歌諸家注未嘗言鵠即是鵠班固西都賦玄鵠白鷺黃鵠鵠鵠相如子虛賦弋白鵠玄鵠加左思吳都賦鳥則鵠鵠鵠鵠淮南子覽冥訓鴻鵠鵠鵠莫不驚憚伏竄皆分鵠鵠為二按古書如別

鶴操之類鶴多譌鵠豈宜據此謂鵠即鶴耶轉注古音
云鵠古鶴字地志黃鵠磯因作黃鶴樓按磯名黃鵠與
樓無涉讀書通云鵠通作鶴引唐風從子於鵠音鶴叶
白石皓皓入聲按詩鵠讀如告叶去聲本不音鶴況鵠
為曲沃邑名非鳥名就令鵠果音鶴音同而物不同者
多矣埤雅鶴鵠分釋今所見鶴與鵠形貌差別信如諸
家言則今人通謂鶴為鶴鶴是鶴即鶴稱綬草為鵠是
艸即鳥也其為舛謬無疑

交交桑扈

朱傳桑扈竊脂也俗呼青背肉食不食粟爾雅扈鵒又云桑扈竊脂郭云俗謂之青雀背曲食肉好盜脂膏因名又云老扈鵒春扈鵒鵒夏扈竊玄秋扈竊藍冬扈竊黃桑扈竊脂棘扈竊丹行扈喈喈宵扈嘖嘖注諸扈皆因其名色音聲以為名疏云釋獸云虎竊毛謂之覬貓魁如小熊竊毛而黃竊即古淺字此鳥其色不純竊玄淺黑也竊藍淺青也竊黃淺黃也竊丹淺赤也四色皆

具則竊脂為淺白也左傳九扈為九農正賈逵注桑扈
竊脂為蠶驅雀者也鄭注此鳥今謂之蠶背性甚慧可
教色微綠其背似蠟言淺有脂色也又賈注春扈頌願
相五土之宜趣民耕種者也夏扈竊玄趣民耘苗者也
秋扈竊藍趣民收斂者也冬扈竊黃趣民蓋藏者也棘
扈竊丹為果驅鳥者也行扈喑喑畫為民驅鳥者也宵
扈嘖嘖夜為農驅獸者也桑扈竊脂為蠶驅雀者也老
扈鵯鵯趣民收麥今不得晏起者也樊光注爾雅亦與

賈同皆以鳬為官令依此鳬而動作也山海經岵有鳥如鶚赤身白首其名竊脂注今呼青雀為竊脂疑非此也淮南子馬不食脂桑扈不食粟非廉也通志桑扈多在桑木故名埤雅桑扈一名而二種詩所謂率場啄粟者以性之竊脂膏者言故以啄粟為失其性所謂有鶯其羽者以色之淺白者言故其序曰君臣上下動無禮文焉爾雅主詩言之小雅桑扈所取有兩故亦兩解左傳九鳬為九農正蓋九鳬農桑候鳥鳬民無淫者也故

先王名官以主農桑之事取其意云爾如棘爲主園事
桑爲主蠶事驅鳥驅獸非所難也補傳或指其色或指
其性實一物耳字說桑爲性好集桑故名戶所以閉邑
所以守也廣要云鳥獸異類同名者甚多如夏鷹曰竊
玄禽經竊玄曰鵂乃是搏擊之鳥山海經有鳥亦名竊
脂絕不相類鵂鷂一名剖葦江東人呼爲蘆虎陸農師
認爲鷹類誤矣通雅竊脂自以色名然別有肉雀別有
竊脂也淮南子與郭璞青雀之言相證歐陽氏亦有肉

食之論然爾雅兩言桑扈竊脂又有扈鵒則同名者多未可定為脂色也

弁彼鷩斯

朱傳鷩雅鳥也小而多羣腹下白江東呼為鷩鳥斯語詞也爾雅鷩斯鷩鷩注云山鵲狀如鷩鳥色有文采背足皆赤尾長不能遠飛諺云朝鷩叫晴暮鷩叫雨小爾雅小而腹下白不及哺者謂之雅鳥說文雅楚鳥也一名鷩一名鷩居秦謂之雅孔疏斯字語詞猶蓼彼蕭斯

菟彼柳斯毛傳或有斯者衍字定本無斯字以劉孝標之博學而類苑鳥部立鶯斯之目是不精也法言頻頻之黨甚於鶯斯亦賊夫糧食而已言小人之尸祿也孔叢子純黑反哺者鳥小而腹下白不反哺者雅今俗呼反哺者為慈鳥不反哺者為雅通志雀類差小多羣飛食穀俗呼鶻鳥鶻音匹聲相近埤雅方言曰齊宋之間凡物盛多謂之冠郭注今江東有小鳥其多無數俗謂之冠鳥東都賦曰鶻鶻秋棲鶻鶻春鳴今衆鳥秋分多

羣集非特鳥也至春則兩兩而翔不復羣矣里俗謂之分羣月令仲秋曰羣鳥養羞豈謂是乎物類志烏雅亦有項白者古有鴉經占吉凶南人喜鵲惡鴉北人反之師曠以白者為不祥俗呼老鴉亦名大背烏字說能效鷹鸇聲性惡類相值則搏俗名山鷗酉陽雜俎曰亦背烏鄭樵以為喜鵲誤通雅斯字爾雅已誤况禽經法言乎俗因作鷗字尤非易林足居楚鳥即卑居古卑與足近

匪鵯匪鳶

朱傳鵯雕也毛傳鵯鳶貪殘之鳥也說文鵯雕也從鳥
敦聲字異於鵯也詩曰匪鵯匪鳶雕鵯也鵯鳥黑色多
子師曠曰南方有鳥名曰羗鵯黃頭赤目五色皆備孔
疏雕之大者名鵯漢書音義曰鵯大雕也廣雅鵯雕也
倉頡解詁鵯金喙鳥也見則天下兵能擊殺麋鹿爪距
長五六寸銛於吳鉤埤雅雕能食草似鷹而大黑色俗
呼皂雕其飛上薄雲漢性刻制今大雕翔翔水上扇魚

令出沸波攫而食之一名沸河一名鶚性好時立不移
處彌衡傳鶚鳥累百不如一鶚淮南子曰鳥有沸波者
是也六翮乘風輕勁堪為箭羽雅翼雕者鶚之類土黃
色健飛擊沙漠中空中盤旋無細不覩亦能食麋鹿之
屬可謂鶚有力矣鶚即大雕山海經景山多鶚黑色多
力禽經雕以周之鶚以就之又云淘河在岸則魚沒沸
河在岸則魚涌雕首欲長而額狹項平領大項後毛磔
生勁疾目睛大滿臉長眸子小而近前主明慧爪近肉

麕圓其末纖細主多力蹠平潤主巧捷不夭鼻大主長
飛不乏膝骨大如蒺藜實者上相骨小無圭角者下也
指節大肉少分成十字上相骨節細平者下也純金色
青潤者上相淺黑者下也叢林色靜白者上相黑膩者
下也封厚而管麕者上相細薄者下也背偃而溝深者
上相隆起者下也臆圓趺為上相窄狹為下尾狹厚為
上相潤軟為下鵠相同雕唯頭欲小頂臆欲圓旋毛欲
深味欲側薄而短小鷹相亦與雕同而欲其尾長翅短

為異耳相感志其毛能食諸鳥羽如羣錯草中有鵬毛
必衆鳥毛羽自落地名物解決起而飛曰翰言以翼自
翰而上也今鴻鵠鵬鳶之類皆言翰爾雅曰象謂之鵠
玉謂之鵬蓋鵠之義出於鴻鵠之鵠鵬之義出於鵬鵠
之鵬鵠性勁利鵬性刻制故也字通驚徒桓切音團說
文鵠引詩匪鵠匪鳶改鵠為鵠韻會因之正韻鵠亦作
鵠皆沿毛傳而誤鵠鵠音形各別改鵠為鵠與改鳶為
鵠誤同

鳶朱傳亦鷲鳥也其飛上薄雲漢舍頡解詁鳶鷂也說
文鳶鷲鳥也爾雅鳶鳥醜其飛也翔禽經鳶不擊而貪
注不善搏擊貪於攫肉又云風翔則風注風禽鳶類越
人謂之風伯飛翔則天大風古詩鳶起知風舞又茅棘
嘯愁鳶是也抱朴子鳶飛在下無力及至上聳身直
翅而已陶隱居云鳶飛騰江湖間捕魚食之博物志漢
舊綦國送鳶卵給太官埤雅釋鳥鳶飛也翔高飛曰翔
布翼不動曰翔鳶鷂也摩風曰翔曲禮前有塵埃則載

鳴鳶鳶鳴則將風故也東觀漢紀馬援擊交趾下潦上
霧毒氣上蒸仰視鳥鳶跼跼墮水中鳶銚者也乘風則
高飛魚潛者也乘氣則深躍列子云墨子作木鳶飛三
日不集所謂班輸之雲梯墨翟之飛鳶也今人乘風放
紙鳶令小兒張口望視以洩內熱蓋放於此舊說觀魚
翼而創櫓視鴟尾而製舵言古人仰視俯察以前民用
其道蓋如此漢書梅福傳戴鵲遭毒仁鳥增逝左傳晉
荀吳以鼓子戴鞮歸並作鳶字夏小正十二月弋注當

作鳶天祿外史嘉陵之墟多鳶

鴛鴦子飛

朱傳鴛鴦匹鳥也鄭箋言其止則相偶飛則為雙一性
馴偶也孔疏止則耦飛則雙性馴善而相耦故取之易
得古今注鴛鴦水鳥鳧類雌雄未嘗相離人得其一則
一者相思死故謂之匹鳥荆楚記節木鳥鴛是也食療
本草食鴛肉令人美麗夫婦不和與食立相憐愛雅翼
歸藏曰有鳧鴛鴦有鴈鸕蓋鳧屬雄名為鴛雌名為

鴛大如鷺杏黃色頭戴白長毛垂至尾尾翅皆黑有黃
赤五采者有纓者皆鷺鷥耳埤雅鴛鴦匹鳥之有思者
說文稱鳳言鸛鸛鴛思是已二章言左翼者蓋凡鳥左
顧則怒作右顧則喜生飛而起則仰左翼飛而下則仰
右翼故今鷺鳥下擊皆先倒左翅也列子周宣王時有
梁鴛者能養野禽獸雖虎狼鵲鴉無不柔馴者王令毛
丘園傳之此寓言也所謂梁鴛者即取鴛鴦在梁不驚
擾之義蓋莊列之書每詭名以見義如梁鴛無足滿苟

得之類是也稽聖賦雖鳩奚別鴛鴦奚雙一曰鵲好外
反鴛好內思鄭氏昏禮贊鴛鴦爲雌雄相類飛止相匹
楚詞鴛鴦兮噹噹張橫渠曰禽鳥並棲一正一側戢左
翼以相依於內舒右翼以防患於外左不用而右便故
也

有集維鷗

朱傳鷗雉也微小於翟走而且鳴其尾長肉甚美爾雅
鷗雉郭云即鷗鷄也長尾走且鳴說文鷗走鳴長尾雉

也乘輿以尾為防銳著馬頭上陸疏鵠微小於雉走而
且鳴色如雄雉尾如雉尾而長其頭上有肉冠冠上蒙
毛長數寸如雄雉尾角肉甚美故林麓山下人語曰四
足之美有麋兩足之美有鵠麋者似鹿而小也孔疏鵠
是雉中之別名雉性耿介士相見註云贅用雉者取其
交有時別有倫故以喻碩女專貞之德山海經女几之
山多白鵠禽經火為鵠亢為鶴薛綜云雉之健者為鵠
尾長六尺字說鵠从喬尾長而走且鳴則其首尾喬如

也鄭漁仲云鷓雉即鷓雉也青質而有五米者廣要云
雉類甚多爾雅舉雉首列鷓雉鷓雉鷓雉鷓雉郭景純
以為四物鄭漁仲以為二物陸農師从郭說改釋鷓又
釋鷓然味下文秩秩海雉鷓山雉似當以鄭說為正

有鷓在梁

朱傳鷓禿鷓也爾雅鳬鴈醜翁鷓鷓醜鷓埤雅鷓水鳥
似鷓鷓爪如雞性貪惡俗呼禿鷓長頸赤目頭項無毛
其毛辟水毒劉楨賦云綠蠲葱鷓鷓色蓋青也古今注

扶老禿鷲也狀如鶴而大大者高八尺善與人鬪好啖
魚蛇說文禿鷲作鵠俗曰鵠鵠如鵠鵠爪如雞取其毛
以為鷲翎禽經扶老強力注食之益人氣力走及奔馬
北史魏明帝獲鷲宮中養之崔光云貪惡之鳥野澤所
有養之何為又樊光以禿鷲似鳳皇景煥謂爰居即鷲
皆擬非其倫

時維鷹揚

朱傳鷹揚如鷹之飛揚而將擊言其猛也爾雅鷹鵠鵠

注鵠當為鷦左傳鷽鵠是也又鷽隼醜其飛也翬注鼓翅翬翬也月令仲春鷽化為鷽季夏鷽乃學習孟秋鷽乃祭鳥王制鷽化為鷽然後設罝羅陳氏曰仲秋也禮季冬鷽鳥厲疾左傳却子曰少皞氏鳥師而鳥名爽鷽氏司寇也杜注爽鷽鷽鷽鳥也故為司寇主盜賊又見不仁者如鷽鷽之逐鳥雀也周書鷽鷽之日鷽化為鷽處暑之日鷽乃祭鳥運斗樞璣光星散為鷽立秋之日鷽鷽擊廣志有雉鷽有菟鷽一歲為黃鷽二歲為撫鷽

三歲青鷹胡鷹獲鷹周易通卦驗鷹者擊殺之鳥大戴
禮正月鷹則為鳩鷹也者其殺之時也鳩也者非其殺
之時也善變而之仁故具言之也鳩為鷹而之不仁故
不盡其辭廣雅白鷹鷹也文選百卉具零剛蟲搏擊注
鷹隼之類也春秋考異郵金伐木故鷹擊雉陶弘景曰
虎聞聲而深伏鷹見形而高飛蔡邕月令鷹化為鳩鷹
鳩屬也鳩凡五種鷹為爽鳩應陽而變則啄仁柔而不
鷙禽經鷹不擊伏鵲不擊妊焦氏易林鷹棲茂樹候雀

往來隋魏彥深賦資金方之猛氣擅火德之炎精指重
十字尾貴合盧立如木植望若愁胡背同劍利脚等荊
枯亦有白如散花赤如點血大文若錦細斑若纈眼類
明珠毛猶霜雪身重若金爪劉如鐵生於窟則好眠巢
於木則常立雙巖長則起遲六翮短則飛急毛衣屢改
厥色無常寅生酉就總號為黃二周作鵠千日成蒼雌
則體大雄則形小遇犬驚猜得人馴擾埤雅鵠音坡免
切次赤也鴈鷄二年之色也頂有毛角微起今通謂之

角鷹凡鷲鳥雛生而有慧出殼之外即於巢外放條大鷲恐其墜及為日所曝損乃取帶葉枝挿巢畔防其外墜及作陰涼也十日後枝枯悴其雛大可取裴氏新書虎豹無事行部若將不勝其驅鷹在衆鳥之間若睡寐然故積怒而全剛生焉越之滅吳用此道也黔類云養鷹鷲者其類相語謂之味漱今三館書有味漱三卷皆養鷹鷲及醫療之術味音以麥反鳥獸考鷹類甚衆維角雕黃者以鷹名然角鷹有二種一種青脚有毛一種

兩脚無毛名鷓鴣角鷹朝野僉載鷓鴣味道王方慶並為
鳳閣侍郎或問郎中張元一答曰鷓鴣九月得霜鷹王十
月被凍蠅

鳬鷖在涇

朱傳鷖鷖也倉頡解詁鷖鷖一名水鶚形色似白鵠而
羣飛禽經鷖信鳥也信不知用注鷖如倉庚而小隨潮
而翔迎浪蔽日食小魚潮至則翔水鄉以為信反為鷖
鳥所擊是信而不知所以自害也晉中興說鷖湖澤鳥

南越志江鷗一曰海鷗在漲海中隨潮上下常以三月
風至乃還洲嶼生卵似雞卵色青頗知風雲若羣飛至
岸必風渡海者以此為候謂之信鷗山海經玄股國其
人食鷗風土記鷗以名自呼大如雞生卵於荷葉之上
埤雅鷗鳬屬鳬好沒鷗好浮故一名漚列子海上之人
好鷗者每旦從漚鳥遊其父欲取之明日之海上漚鳬
舞而不下今字從鳥後人加之也雅翼鷗色青黑亦有
白者六書故鷗鷗一聲之轉實一物凡鵝鴈鳬鷗鴛鴦

雞鵠鷓鴣駢蹠之鳥皆能浮湛湛而求魚必伏氣不息
勢不能久相如傳有拂翳鷺通作翳羅願引陸龜蒙言
鳬蔽天而來江南人常以糲糲塗枝得鳬

鳳凰于飛

朱傳鳳凰靈鳥也雄曰鳳雌曰凰非梧桐不棲非竹實
不食釋鳥鷗鳳其雌凰大戴禮羽蟲三百六十鳳凰為
之長禮運麟鳳龜龍謂之四靈鳳以為畜故鳥不猶說
象鴻前麟後蛇頸魚尾鸛頰駕思龍文龜背燕頤雞啄

五色備舉出東方有道之國翱翔乎四海之外過崑崙
飲砥柱濯羽弱水莫宿風穴又字从鳥凡飛則羣從以
萬數故鳳古作朋字即鵬也詩義疏鳳凰一名鸞鷟非
梧桐不棲非竹實不食非醴泉不飲在天為朱雀韓詩
外傳天老曰鳳首帶德頸揭義背負仁心入信翼扶義
足履正尾繫武小音金大音鼓食有質飲有儀遊必擇
所飢不妄下其鳴也雄曰節節雌曰足足論語摘襄聖
曰鳳有六像九包頭像天者圓也目像日者明也背像

月者偃也翼像風者舒也足像地者方也尾像緯者五色具也口包命者不妄鳴也心合度者進退精也耳聽達者居高明也舌詘伸者能變聲也彩色光者文采呈也冠矩朱者南方行也距銳鉤者武可稱也音激揚者聲遠聞也腹文戶者不妄納也山海經南禺之山有鳳凰鵠雛丹穴之山有鳥如雞五采而文名曰鳳凰首文曰德翼文曰義背文曰禮膺文曰仁腹文曰信飲食自然自歌自舞見則天下安寧又曰軒轅之丘鸞自歌鳳

自舞三輔決錄蔡衡對光武云凡鳳有五多赤色者乃鳳多黃色者鸛雛多青色者鸞多紫色者鸞鸞多白色者鵠禽經鳳青謂之鵠赤謂之鸛黃謂之鸞白謂之鵠紫謂之鸞埤雅鳳凰不喙生蟲不折生草不羣居不旅行不罹網乾鵠斷舌則坐歌孔雀拍尾則立舞人勝之也鸞入夜而歌鳳入朝而舞天勝之也爾雅注鳳鳥之美者能君其類鳳美而不大龍乘雲鳳乘風故謂之鸞偃也衆鳥偃服焉字說鳳鳥有文河圖有畫非人為也

宋玉對鳳凰上擊九千里絕雲霓負蒼天翱翔乎窈冥之中藩籬之鷄豈能料天地之高哉荀子詩曰鳳凰秋秋其翼若干其聲若簫有鳳有凰樂帝之心抱朴子古者太平之世鳳凰居其國而生乳至夏后氏食卯鳳始去之呂氏春秋黃帝聽鳳凰之鳴以別十二律使伶倫制十二筩雄鳴六雌鳴亦六比黃鐘之宮而皆可以生之是為律本少皞氏設鳳鳥之官以為歷正舜作簫以象之故簫韶九成鳳凰來儀禽經翬以鳴鳴鳳凰以儀

儀翬儀匹也衛詩實維我儀是也又鳳靡鸞叱百鳥瘞
之註鳳死曰靡鸞死曰叱左傳鳳鳥氏司歷杜預云鳳
知時故以名歷官中候握河紀堯即政七十載鳳凰巢
阿閣謹樹言謹謹在樹也又帝舜云朕惟不以百獸鳳
晨注司晨鳴也白虎通黃帝之時鳳凰散日而至春秋
合誠圖黃帝遊玄扈洛水上鳳凰銜圖至帝前帝載拜
受圖瑞應圖鳳凰仁鳥王者不剖胎剗卵則至元命包
火離為鳳運斗樞天樞得則鳳凰翔五行傳貌恭體仁

則鳳凰翔斗威儀君乘土而王其政太平鳳凰集於林苑樂叶圖徵云五音克諧各得其倫則鳳凰至又曰五鳳為瑞者一其四似鳳並為妖一曰鷦鷯至則役之感二曰發明至則喪之感三曰焦明至則水之感四曰幽昌至則旱之感夫既稱為鳳豈應為孽且說象亦稱鳳與四者為五方之神鳥矣蓋漢儒欲夸大其辭推為希世之珍夸而無驗極而必反則又指之為孽皆無足據又漢書云凡五色大鳥多羽蟲之孽是則異鳥之不知

名者漢世多鳳凰或者即此類可遽鳳之耶淮南子三
皇鳳至於庭三代鳳至於門周室鳳至於澤德彌流所
至彌遠德彌精所至彌近京房易傳鳳凰高丈二鷖冠
子鳳鶉火禽陽之精德能致之其精畢至南思州北甘
山壁立千仞鳳凰巢其上遇大風雨或飄墮其雛小者
如鶴而足差短山海經有鳳丸山伊尹書丹山之南有
鳳之丸注丸音卯又鳳凰棲止處掘土三尺如圓石白
似卵者名鳳凰臺集韻凰或作鷖通作皇周禮掌次設

皇卿註皇羽覆上即後版染羽象鳳凰羽色以為之貫
休曰書家作字省文如鳳皇駕央廟郎下一字俱省其
例皆起於六書建類如弋字從弋聲而弋弋字非弋聲
以弋為類鳳從凡聲而皇非凡聲以鳳為類也

肇允彼桃蟲

朱傳桃蟲鷦鷯小鳥也鷦鷯之雛化而為雕故古語曰
鷦鷯生雕言始小而終大也爾雅桃蟲鷦鷯其雛鷦鷯其
雄鷦又曰鷦鷯剖葦說文曰剖葦食其中蟲方言桑飛

自關而東謂之工爵或謂之過羸或謂之女匠謂之鷦
鷯自關而西謂之桑飛或謂之機爵郭璞曰桑飛即鷽
鷽也陸疏其喙如錐取茅莠為窠以麻紩之縣著樹枝
或一房或二房鄭箋鷽之為鳥題肩也又陸疏今鷽鷽
是也微小於黃雀其雛化為鷽故俗語鷽鷽生雕爾雅
又曰桃蟲鷽其雌鷽郭璞曰鷽鷽桃爵也俗呼為巧婦
邢昺曰此鷽鷽小鳥而生雕鷽者張華鷽鷽賦翳蒼蒙
籠是為遊集飛不飄揚翔不翕集巢林不過一枝每食


不過數粒說苑云鷦鷯巢於葦苕繫之以髮鳩性拙鷽性巧故有巧婦女匠之名詩紀一說猶言初為鼠後為虎不必真謂桃蟲化為雕

天命玄鳥

朱傳玄鳥鵲也春分玄鳥降高辛氏之妃有娥氏女簡狄祈於郊禱鵲遺卵簡狄吞之而生契事見史記毛傳春分玄鳥降湯之先祖有娥氏女簡狄配高辛帝與之祈於郊禱而生契箋鵲遺卵簡狄吞之而生契索隱曰

契生堯代舜始舉之必非嚳子以其父微故不著名其
母有娥氏與宗婦三人浴於川則非帝嚳次妃明矣蘓
老泉曰史載行浴吞卵事神奇妖濫不亦甚乎使聖人
有異於衆庶天地必將儲陰陽之和積元氣之英以生
又焉用此微禽之卵哉卵墮於前取而吞之簡狄其喪
心乎毛公之傳詩以鴛降為祠郊禱之候及鄭箋而後
有吞踐之事遷之說出於疑詩鄭又出於從遷甚矣其
以不祥誣聖人也金仁山曰長發禘禘之詩也不過推

契始受封有國開有商一代之基未見其為學子也豈以太史克有高辛才子之言傳有殷人禘嘗之說遂繫之歟然以頌次之則史傳為不可信矣



詩傳名物集覽卷二